

四庫全書

子部

欽定四庫全書

子部

列子卷二

詳校官侍郎

臣謝墉

檢討

臣

何思鈞覆勘

總校官庶吉士

臣

倉聖脉

校對官編修

臣

徐如澍

謄錄監生

臣

陳增

欽定四庫全書

子部十四

列子

道家類

提要

臣等謹按列子八卷舊本題周列禦寇撰前有
劉向校上奏以禦寇為鄭穆公時人唐柳宗
元集有辨列子一篇曰穆公在孔子前幾百
歲列子書言鄭國皆言子產鄭析不知向何
以言之如此史記鄭繻公于十四年楚悼王

四年圍鄭殺其相駟子陽子陽正與列子同時是歲魯穆公十年不知向言魯穆公時遂誤為鄭耶其後張湛徒知怪列子書言穆公後事每不能推知其時然其書亦多增竄非其實其言魏牟孔穿皆出列子後不可信云云其後高似孫緯畧遂疑列子為鴻濛雲將之流並無其人今考第五卷湯問篇中併有鄒衍吹律事不止魏牟孔穿其不出禦寇之

手更無疑義然考爾雅疏引尸子廣澤篇曰墨子
貴兼孔子貴公皇子貴衷田子貴均列子貴虛料
子貴別囿其學之相非也數世矣而已皆弁
于私也天帝皇后辟公宏廓宏博介純夏慤
冢眚畎皆大也十有餘名而實一也若使兼
公虛均衷平易別囿一實也則無相非也云
云是當時實有列子非莊周子寓名又穆天
子傳出于晉太康中為漢魏人之所未睹而

此書第三卷周穆王篇所敘駕八駿造父為
御至巨蒐登崑崙見西王母於瑤池事一一
與傳相合此非劉向之時所能偽造可信確
為秦以前書考公羊傳隱公十一年子沈子
曰何休注曰子沈子後師沈子稱子冠氏上
著其為師也然則凡稱子某子者乃弟子之
稱師非所自稱子列子則決為傳其學者所
追記非禦寇自著其雜記列子後事正如莊

子記莊子死管子稱吳王西施商子稱秦孝公耳不足為怪晉光祿勳張湛作是書注於天瑞篇首所稱子列子字知為追記師言而他篇復以載及後事為疑未免不充其類矣書凡八篇與漢志所載相合趙希弁讀書附志載政和中宜春彭瑜為積石軍倖聞高麗國列子十卷得其第九篇曰元瑞于青唐卜者云云今所行本皆無此卷殆宋人知其妄

而不傳歟其注自張湛以外又有唐當塗丞
殷敬順釋文二卷此本亦散附各句下然音
注頗為淆亂有灼然知為殷說者亦有不辨
孰張孰殷者明人刊本往往如是不足訝也
據湛自序其母為王弼從姊妹湛往來外家
故亦善談名理注亦弼注老子之亞葉夢得
避暑錄話乃議其雖知列子近佛經而遂事
為解反多迷失是以唐後五家之禪繩晉人

失其旨矣乾隆四十三年七月恭校上

總纂官臣紀昀 臣陸錫熊 臣孫士毅

總校官臣陸費墀

張湛列子注原序

湛聞之

張湛字處度東晉光祿勳注此真經

先父曰吾先君與劉正輿傳

頴根皆王氏之甥也並少

詩照反

遊外家舅始周

姓王張湛祖之

舅始周從

疾用反

兄正宗輔嗣皆好

呼教反

集文籍先并

政卑

反得仲宣家書幾將萬卷傳氏亦世為學門三君總角

競錄奇書及長

丁丈反

遭永嘉之亂與頴根同避難

乃旦反

南行車重各稱

尺證反

力並有所載而寇虜彌盛前途尚

遠張謂傳曰今將不能盡

子忍反

全所載且共料

音聊

簡世

所希有者各各保錄令無遺棄穎根於是唯賡音擠其祖

玄父咸子集先君所錄書中有列子八篇及至江南僅

音親少也有存者列子唯餘楊朱說符目錄三卷比必利反亂

正輿為揚州刺史先來過江復扶反在其家得四卷尋

從輔嗣女壻趙季子家得六卷參校有無始得全備其

書大略明羣有以至虛為宗萬品以終滅為驗神惠以

凝寂常全想念以著直畧反物自喪息浪反生覺音救與化夢

等情巨細不限一域窮達無假智力治身貴於肆任而鵠

反
順性則所之皆適水火可蹈忘懷則無幽不照此其
旨也然所明往往與佛經相參大歸同於老莊屬音辭引
類特與莊子相似莊子慎到韓非尸子淮南子玄示旨
歸多稱其言遂注之云爾

欽定四庫全書



張
港
原
序

劉向列子目錄原序

天瑞第一

黃帝第二

周穆王第三

仲尼第四

一曰
樞智

湯問第五

力命第六

楊朱第七

一曰
達生

說符第八

右新書定著八章護左都水使者光祿大夫臣向言所
校中書列子五篇臣向謹與長社尉臣參校讎太常書
三篇太史書四篇臣向書六篇臣參書二篇內外書凡

二十篇以校除復

扶又反

重十二篇定著八篇中書多外

書少章亂布在諸篇中或字誤以盡

津上聲誤也下同

為進以

賢為形如此者衆及在新書有棧

音剪

校讎從中書已定

皆以殺青

謂汗簡刮去青皮也

書可繕寫列子者鄭人也與鄭繆

音穆

公同時蓋有道者也其學本於黃帝老子號曰道家

道家者秉要執本清虛無為及其治身接物務崇不競

合於六經而穆王湯問二篇迂誕恢詭非君子之言也

至於力命篇一推分

符問反

命楊子之篇唯貴放逸二義

乖背

音佩

不似一家之書然各有所明亦有可觀者孝景

皇帝時貴黃老術此書頗行於世及後遺落散在民間
未有傳者且多寓言與莊周相類故太史公司馬遷不
為列傳謹第錄臣向昧死上時掌反護左都水使者光祿
大夫臣向所校列子書錄永始三年八月壬寅上

欽定四庫全書

列子卷一

晉 張湛 注

唐 殷敬慎 釋文

天瑞第一

夫巨細舛錯脩短殊性雖天地之大羣品之衆涉於有生之分關於動用之域

者存亡變化自然之符夫唯寂然至虛凝一而不變者非陰陽之所終始四時之所遷革

子列子

是弟子之姓上者首章或居鄭圃有圃田四十年

人無識者

非形不與物接當不與物交不知其德之至則同於不識者矣國君卿大夫

眎之猶衆庶也

非自隔於物直言無是非行無軌迹則物莫能知也

國不足年將

嫁於衛

謂自家而出

弟子曰先生往無反期弟子敢有所

謁先生將何以教先生不聞壺丘子林之言乎

壺丘子林列子

師之
子列子笑曰壺子何言哉

四時行百物生豈假於言哉

雖然夫子

嘗語伯昏瞿

莫侯反

人吾側聞之試以告女

伯昏瞿列子之友同學於壺

子不言自受教於壺
子者列子之謙言也

其言曰有生

今塊然之形也

不生

生物而不

者有化

今存亡變改也

不化

生物而不

不生者能生生

不生者固生物

宗之不化者能化化

不化者固

生者不能不生化者不能

不化

生者非能生而生化者非能化而化也直自不得不生不得不化者也

故常生常化

涉於有動之分者不得變無也

常生常化者無時不生無時不化

生化相因

存亡往復理無間也

陰陽爾四時爾

陰陽四時節變化之物而復屬於有生之域者皆隨此陶

運四時改而不停萬物化而不息者也

不生者疑獨

不生之主豈可實而驗哉疑其冥一而無

始終也

不化者往復

音服後不音者倣此

其際不可終

代謝無間形氣轉續其道

終不疑獨其道不可窮

亦何以知其窮與不窮哉直自疑其獨立而不改周行而不殆也

黃帝書曰谷神不死

古有此書今已不存夫谷虛而宅有亦如莊子之稱環中至虛無物

故謂谷神本自無生故曰不死是謂玄牝

毗忍反老子有此一章王弼注曰無形無影無逆無違處

卑不動守靜不衰谷以之成而不見其形
此至物也處卑而不可得名故謂之玄牝
玄牝之門是

謂天地之根綿綿若存用之不勤
王弼曰門玄牝之所由也本其所由與太

極同體故謂天地之根也欲言存邪不見其形欲言亡
邪萬物以生故曰綿綿若存無物不成而不勞也故曰

勤故生物者不生物者不化
莊子亦有此言向秀注曰吾之生也非吾之所

生則生自生耳生生者豈有物哉故不生也吾之化也
非物之所化則化自化耳化化者豈有物哉無物也故

不化焉若使生物者亦生化物者亦化則與物俱化亦
奚異於物明夫不生不化者然後能為生化之本也

自生自化自形自色自智自力自消自息
皆自爾耳豈有尸而為之

哉謂之生化形色智力消息者非也
若有心於生化形色則豈能官天地

而府萬物瞻羣生而不匱乎子列子曰昔者聖人因陰陽以統天地

天地者舉形而言陰陽者明其度數統理夫有形者生於無形謂之生者則不死無者則

不生故有無之不相生理既然矣則有何由而生忽爾

則本同於無本同於無而非無也此則天地安從生天地

無所從生故曰有太易有太初有太始有太素此明物之自微

至著變化之太易者未見賢遍反氣也稱凝寂於太虛

之域將何所見耶如易繫太初者氣之始也陰陽未判

謂渾論也太始者形之始也陰陽既判則太素者質之始也

質性也既為物矣則方負剛柔靜躁沈浮各有其性

氣形質具而未相離

此直論
氣形質

不復說太易太易為三者
宗本於後句別自明之也

故曰渾

魂音淪
下音論
同

渾淪者言

萬物相渾

淪而未相離力智反去也

也雖渾然一氣不相離散而三才之道實潛

語之助也

視之不見聽之不聞循之不得故曰易也

易無形埒

不知此下一字老子曰視之不見名曰希如此
希而此易亦希簡之別稱也大易之義如此

而已故能為萬化宗
主冥一而不變者也

易變而為一

所謂易者窈冥惚恍
不可變也一氣恃之

而化故寄
名變耳

一變而為七七變而為九九變者究也

究窮也一

變而為七九不以次數
者全舉陽數領其都會

乃復變而為一一者形變之始

也

既涉於有形之域理數相推自一之九九數既終乃復反而為一反而為一歸於形變之始此蓋明變化

往復無窮極

清輕者上為天濁重者下為地

天地何邪直虛實清濁之自分

判者耳此一章全是周易乾鑿度也

沖和氣者為人故天地含精萬物化

生

推此言之則陰陽氣偏交會而氣和氣和而為人生人生則有所倚而立也

子列子曰天

地無全功聖人無全能萬物無全用

全猶備也

故天職生覆

地職形載聖職教化物職所宜

職主也生各有性性各有所宜者也

然則

天有所短地有所長聖有所不物有所通

夫體適於一方者造餘塗

則闕矣王弼曰形必有所分聲必有所屬若溫也則不能涼若宮也則不能商

何則生覆者不

能形載形載者不能教化教化者不能違所宜

順之則通也

宜定者不出所位

皆有素分不可逆也

故天地之道非陰則陽聖

人之教非仁則義萬物之宜非柔則剛此皆隨所宜而

不能出所位者也

方圓靜躁理不得兼然尋形即事則名分不可相干任理之通方圓未必

相乖故二儀之德聖人之道肅育羣生澤周萬物盡其清寧貞粹而已則殊塗融道動靜澄一蓋由聖人不逆萬物之性萬物不犯聖人之化凡滯於一方者形分之所闕耳道之所運常冥通而無待故有生者

有生者有形者有形形者有聲聲者有色者

有色色者有味者有味味者

形聲色味皆忽爾而生不能自生者也夫不能自生

則無為之本無為之本則無留於一象無係
於一味故能為形氣之主動必由之者也生之所生

者死矣而生生者未嘗終形之所形者實矣而形形者
未嘗有聲之所聲者聞矣而聲聲者未嘗發色之所色

者彰矣而色色者未嘗顯味之所味者嘗矣而味味者

未嘗呈

夫盡於一形者皆隨代謝而遷革矣故生者必終而生生物者無變化也

皆無為之

職也

至無者故能為萬變之宗主也

能陰能陽能柔能剛能短能長

能圓能方能生能死能暑能涼能浮能沈能宮能商能

出能沒能玄能黃能甘能苦能羶能香無知也無能也

而無不知也而無不能也

知盡則無知能極則無能故無所不知無所不能何晏道

論曰有之為有待無以生事而為事由無以成夫道之而無語名之而無名視之而無形聽之而無聲則道之全焉故能昭音嚮而出氣物包形神而章光影玄以之黑素以之白矩以之方規以之圓圓方得形而此無形此白黑得名而此無名也子列子適衛食於道從者見百歲髑髏攢

蓬而指

攢音蹇拔也

顧謂弟子百豐曰唯予與彼知而未嘗

生未嘗死也

俱涉變化之塗則予生而彼死推之此過至極之域則理既無生亦又無死也此過

古卧反養乎此過歡乎

遭形則不能不養遇生則不能不歡此過誤之徒非理之實當也

種

章勇反有幾居豈反○先問變化種數凡有幾條然後明之於下若蠅為鶉事見墨子

得水為鹽

音計司馬彪云謂水土之氣相繼而生也

得水土之際則為蠅蟻

步田反司馬彪云物根在水土際布在水中就水土視之不見鈔之可得如張縣在水中矣楚人謂之蠅蟻之

衣

之衣

衣猶覆蓋

生於陵屯

音豚阜也○陵屯高潔處也

則為陵舄

此隨所生

之度而變者也

陵舄得鬱栖則為烏足

此合而相生也

烏足之根為蟻

蟻其葉為胡蝶

根本也葉散也言烏足為蟻蟻之本其末散化為胡蝶也

胡蝶胥也

胥皆也言物皆化也

化而為蟲生竈下其狀若脫

郭注爾雅云脫謂剥皮也

其

名曰駒

音掇

丁括反駒掇蟲名○此衡一形之內變異者也

駒掇千日

千日而死化

而為鳥其名曰乾餘骨乾餘骨之沫為斯彌

沫猶精華生起

斯

彌為食醢

許分反若酒上蟻蝶也下同

頤輅

上怡下路

食醢頤輅生乎食

醢黃輒

音呪頤輅黃輒皆蟲名

食醢黃輒生乎九猷

李云九當作久久老也猷

蟲名也

九猷生乎稽

茂謀

芮

音蚰小蟲也

稽芮生乎腐

音漸蠶權

一音歡謂瓜中黃甲蟲也○此皆死而更生之一形者也

羊肝化為地臯馬血之為

轉鄰也

說文作鄰又作鄰皆鬼火也淮南子云血為磷也音吝

人血之為野火也

此皆一形之內自變化也

鷄之為鷄鷄之為布穀布穀久復為鷄也

燕之為蛤也田鼠之為鴽也朽瓜之為魚也老韭之為

莧也老踰

音俞

之為援也

踰牝羊也

魚卵之為蟲

此皆無所因感自然而變

者也 亶爰上蟬下表 之獸自孕而生曰類亶音蟬山海經云亶爰之山有獸其狀如

狸而有髮其名曰類類 河澤之鳥視而生曰鵯五雁反○此相視而

生者也莊子曰白鵯相視 純雌其名大翬純雄其名穉

古雅字 蜂司馬彪云雅蜂細者取桑蟲祝之使似已子也○翬龜鼈之類也穉小也此無雌雄而自化

上言蟲獸之理既然下思士不妻而感思女不夫而孕

大荒經曰有思幽之國思士不妻思女不夫精氣潛感不假交接而生子也此亦白鵯之類也 后稷生

乎巨跡傳記云高辛氏之妃名姜嫄見大人跡好而履之如有人理感已者遂孕因生后稷長而賢乃

為克佐即 伊尹生乎空桑博記曰伊尹母居伊水之上既孕夢有神告之曰旧水出

而東走無顧明日視旧出水告其鄰東走十里而顧其邑盡為水身因化為空桑有莘氏女子採桑得嬰兒于空桑之中故命之曰伊尹而獻其厥昭生乎濕此因蒸潤而生

醯雞生乎酒

此因酸氣而生

羊奚比

毗音

乎不苟

此異類而相親比也

父竹

生青寧

因於林藪而生

青寧生程

自從繼至於程皆生生之物地鳥蟲獸之屬言其變化無

常或以形而變或死而更生終始相因無窮已也

程生馬馬生人人久入於機

萬物皆出於機皆入於機

夫生死變化胡可測哉生於此者或死於彼死於彼者或

生於此而形生之主未嘗暫無是以聖人知生不常存死不永滅一氣之變所適萬形萬形萬化而不化者存歸於不化故謂之機機者羣有之始動之所宗故出無入有散有反無靡不由之也黃帝書曰形

動不生形而生影聲動不生聲而生響

夫有形必有影有聲必有響此

自然而生生俱出而俱沒豈有相資前後之差哉郭象注莊子論之詳矣而世之談者以形動而影隨聲出而

響應聖人則之以為喻明物動則失本靜則歸根不復曲通影響之義也

無動不生無而生

有

有之為有恃無以生言生必由無而無不生有此運通之功必賴於無故生動之稱因事而立耳

形

必終者也天地終乎與我偕終

料巨細計修短則與我殊矣會歸於終理固無

差也終進乎不知也

進當為盡此書盡字例多作進也聚則成形散則為終此世之所謂終始

也然則聚者以形實為始以離散為終散者以虛漠為始以形實為終故迭相與為終始而理實無終無始者

也道終乎本無始進乎本不久

久當為有無始故有不終無有故不盡有生

則復於不生有形則復於無形

生者反終形者反

不生

者

此不生者先有其生然後之於死滅

非本不生者也

本不生者初自無生無滅

無形

者

此無形亦先有其形然後之於離散

非本無形者也

本無形者初自無聚無散者也夫生

生物者不生形形物者無形故能生形萬物於我體無變今謂既生既形而復反於無生無形者此故存亡之往復爾非始終之不變者也

生者理之必終者也終者不得不終亦

如生者之不得不生

生者不生而自生故雖生而不知所以生不知所以生則生不可絕

不知所以死則死不可禦也

而欲恒其生盡其終惑於數也

盡亡精

神者天之分骨髓者地之分屬天清而散屬地濁而聚

精神離形各歸其真

天分歸天地分
歸地各反其本

故謂之鬼鬼歸也

歸其真宅

真宅太
虛之域

黃帝曰精神入其門骨髓反其根我

尚何存

何生之無形何形之無氣何氣之無靈然則心
智形骸陰陽之一體偏積之一氣及其離形歸

根則反其真宅
而我無物焉

人自生至終大化有四

其間遷易無時
斃停四者蓋舉

大較而
言者也

嬰孩也少壯也老耄也死亡也其在嬰孩氣專

志一和之至也物不傷焉德莫加焉

老子曰含德之
厚比於赤子

其

在少壯則血氣飄溢欲慮充起物所攻焉德故衰焉

處
力

競之地物
所不與也

其在老耄則欲慮柔焉體將休焉物莫先焉

休息也已無競
心則物不與爭

雖未及嬰孩之全方於少壯間矣其在

死亡也則之於息焉反其極矣孔子遊於太山見榮啓

期行乎郕

音成魯邑名

之野鹿裘帶索

先各反

鼓琴而歌孔子

問曰先生所以樂

音洛下同

何也對曰吾樂甚多天生萬物

唯人為貴而吾得為人是一樂也

推此而言明人之神氣與衆生不殊所適

者異故形貌不一是以榮啓期深測倚伏之緣洞識幽顯之驗故忻遇人形兼得男貴豈孟浪而言

男女

之別

彼列反

男尊女卑故以男為貴吾既得為男矣是二

樂也

人之將生男女亦無定分故復喜得男身

人生有不見日月不免襁褓

者吾既已行年九十矣是三樂也貧者士之常也死者

人之終也處常得終當何憂哉孔子曰善乎能自寬者

也

不能都忘憂樂善其能推理自寬慰者耳

林類年且百歲

書傳無聞蓋古之隱者也

底

春被裘拾遺穗於故畦

收刈後田中棄穀拾之也

並歌並進孔子適

衛望之於野顧謂弟子曰彼叟可與言者試往訊之子

貢請行逆之壠端面之而歎曰先生曾不悔乎而行歌

拾穗林類行不留歌不輟子貢叩之不已乃仰而應

於證

反曰吾何悔邪子貢曰先生少不勤行

下孟反下同

長不競

時老無妻子死期將至亦有何樂而拾穗行歌乎林類

笑曰吾之所以為樂人皆有之而反以為憂

我所以為樂者人人

皆同但未能觸事而夷故無憂歎

少不勤行長不競時故能壽若此

不勤

行則遺名譽不競時則無利欲二者不存於胃中則百年之壽不祈而自獲也

老無妻子死期

將至故樂若此

所謂樂天知命故無憂也

子貢曰壽者人之情死者

人之惡子以死為樂何也林類曰死之與生一往一反

故死於是者安知不生於彼故吾知其不相若矣吾又

安知營營而求生非惑乎亦又安知吾今之死不愈昔

之生乎

尋此旨則存亡往復無窮已也

子貢聞之不喻其意還以告夫

子夫子曰吾知其可與言果然然彼得之而不盡者也

卒然聞林類之言盛以為已造極矣而夫子方謂未盡夫盡者無所不盡亦無所盡然後盡理都全耳今方對無於有去彼取此則不得不覺內外之異然所不盡者亦少許處耳若夫萬變玄一彼我兩忘即理自夷而實無所遺夫冥內遊外同於人羣者豈有盡與不盡者乎子貢倦於學告仲尼曰願

有所息

學者所以求復其初乃至於厭倦則自然之理虧矣

仲尼曰生無所息

知勞

慮役支體此生者之事莊子曰生為徭役

子貢曰然則賜息無所乎仲尼曰

有焉耳望其墳

音贖墓穴也

畢

音畢

如也宰如也墳如也鬲

音厝

形如鼎又音隔如也則知所息矣

見其墳壤高異則知息之有所莊子曰死為休息也子

貢曰大哉死乎君子息焉小人伏焉

樂天知命泰然以待終君子之所以

息去離憂苦昧然而死小人之所以伏也

仲尼曰賜汝知之矣人胥知生之

樂未知生之苦知老之憊未知老之佚知死之惡未知

死之息也

莊子曰太塊載我以形勞我以生佚我以老息我以死耳

晏子曰善哉古

之有死也

生死亡古今所同而獨善古之死者明古人不樂生而惡死也

仁者息焉不

仁者伏焉

修身慎行恒懷兢懼此仁者之所憂貪欲縱肆常無厭足此不仁者之所苦唯死而後休

息寢伏之

死也者德之徵

音也德者得也徵者歸也言各得其所歸

古者謂死

人為歸人夫言死人為歸人則生人為行人矣行而不

知歸失家者也一人失家一世非之天下失家莫知非

焉

此眾寡相傾者也晏子儒墨為家重形生者不辨有此言假託所稱耳

有人去鄉土離

六親廢家業遊於四方而不歸者何人哉世必謂之為

狂蕩之人矣又有人鍾賢世

鍾賢世宜言重形生

矜巧能修名譽

誇張於世而不知已者亦何人哉世必以為智謀之士

此二者胥失者也

此二者雖行事小異而並不免於溺喪也

而世與一不與

一唯聖人知所與知所去

邱呂反注同○以生死為寤寐者與之溺喪忘歸者去之

或謂子列子曰子奚貴虛列子曰虛者無貴也

凡貴名之所以

生必謂去彼而取此是我而非物今有無兩忘萬異冥一故謂之虛虛既虛矣貴賤之名將何所生

子列

子曰非其名也

事有實著非假名而後得也

莫如靜莫如虛靜也虛

也得其居矣取也與也失其所矣

夫虛靜之理非心慮之表形骸之外求而

得之即我之性內安諸已則自然真全矣故物以全者皆由虛靜故得其所安所以敗者皆由動求故失其所

處事之破礪

音毀

而後有舞仁義者弗能復也

當為之於未有治之

於未亂乃至彫喪凋殘方欲鼓舞仁義以求反性命之極者未之得也

粥

音育

熊

周文王師封於楚著

子書二

曰運轉亡已天地密移疇覺之哉

此則莊子卅十二篇

曰日夜無隙立以是徂夫萬物與化為體體化而遷化不斃停物豈守故故向之形生非今形生俯仰之間而已涉萬變氣散形朽非一旦頓至而昧者操必故物損化之器託不停之運自謂變化可逃不亦悲乎

於彼者盈於此成於此者虧於彼

所謂川竭谷虛邱夷淵實也

損盈

成虧隨世隨死

此世亦宜言生

往來相接間不可省疇覺之哉

成者方自謂成而已虧矣生者方自謂生潛已死矣

凡一氣不頓進一形不頓虧

亦不覺其成不覺其虧

皆在冥中而潛化固非耳目所瞻察

亦如人自世

音生至老貌色智態亡日不異皮膚爪髮隨世

音生下同

隨落

非嬰孩時有停而不易也

形色髮膚有精麓者新故相換猶不可識況妙於此者乎

間不可覺俟至後知杞國有人憂天地崩墜身亡所寄

廢寢食者又有憂彼之所憂者因徃曉之

彼之所憂者惑矣而復以

不惑憂彼之所惑不憂彼之所憂喻積惑彌深何能相喻也

曰天積氣耳亡處亡氣

若屈伸呼吸終日在天中行止奈何憂崩墜乎

夫天之蒼蒼非

磴然之質則所謂天者豈但遠而無所極邪自地而上則皆天矣故俯仰喘息未始離天也

其人曰

天果積氣日月星宿

音秀下同

不當墜邪曉之者曰日月星

宿亦積氣中之有光耀者

氣亦何所不勝雖天地之大猶自安於太虛之域况乃積

氣相舉者也

只使墜亦不能有所中

丁仲反

傷其人曰奈地壞

何曉者曰地積塊耳充塞四虛亡處亡塊若踏步趾

此音

蹈徒到反四字皆踐踏之貌終日在地上行止奈何憂其壞其人舍

音釋然大喜舍宜作釋此書釋字作舍曉之者亦舍然大喜此二人以下同

敗為憂一以必全為喜此未知所以為憂喜也而互相慰喻使自解釋固未免於大惑也長廬子聞

而笑之曰虹蜺也雲霧也風雨也四時也此積氣之成

乎天者也山岳也河海也金石也火木也此積形之成

乎地者也知積氣也知積塊也奚謂不壞

夫混然未判則天地一氣

萬物一形分而為天地散而為萬物此蓋離合之殊異形氣之虛實夫天地空中之一細

物有中之最巨者難終難窮此固然矣難測難識此固

然矣憂其壞者誠為大音泰遠言其不壞者亦為未是天

地不得不壞則會歸於壞遇其壞時奚為不憂哉此知有始

之必終有形之必敗而不識休戚與陰陽升降器質與天地顯沒也子列子聞而笑曰言

天地壞者亦謬言天地不壞者亦謬壞與不壞吾所不

能知也雖然彼一也此一也彼一謂不壞者也此一謂壞者也若其不壞則與人

偕全若其壞也則與人偕亡何為欣戚於其間哉故生不知死死不知生來不

知去去不知來壞與不壞吾何容心哉生之不知死猶死之不知生故

當其成也莫知其毀及其毀也亦何知其成此去來之見驗成敗之明徵而我皆即之情無彼此何處容其心乎

舜問乎丞曰道可得而有乎

舜欲明羣有皆同於無故舉道以為發問之端

曰汝身非汝有也汝何得有夫道

郭象曰夫身者非汝所能有也塊然而自

有耳有非所有而況無哉

舜曰吾身非吾有孰有之哉

據有此身故重發問曰

是天地之委形也

是一氣之偏積者也

生非汝有是天地之委和

也

積和故成生耳

性命非汝有是天地之委順也

積順故有存亡耳郭象曰

若身是汝有則美惡死生當制之由汝令氣聚而生汝不能禁也氣散而死汝不能止也明其委結而自成非

汝之有也

孫子非汝有是天地之委蛻也

音稅也

蛻氣自委結而蟬蛻耳若是汝有

則男女多少亦當由汝也故行不知所往處不知所持食不知所以

皆在自爾中來非知而為之也天地強陽氣也又胡可得而有邪天地即復

委結中之最大者也今行處食息皆強陽氣之所運動豈識其所以然強陽猶剛實也非剛實理之至反之虛和之極則無形無生不死不終則性命何所委順子孫何所委蛻行處何所止泊飲食何所因假也齊之

國氏大富宋之向氏大貧自宋之齊請其術國氏告之

曰吾善為盜始吾為盜也一年而給二年而足三年大

壤如掌反又作攘自此以往施以智反延也及州閭向氏大喜喻其

為盜之言而不喻其為盜之道遂踰垣鑿室手目所及

亡

音無下同

不探也未及時以贓獲罪沒其先居之財向氏

以國氏之謬已也往而怨之國氏曰若為盜若何向氏

言其狀國氏曰嘻

音熙哀痛之聲

若失為盜之道至此乎今將

告若矣吾聞天有時地有利

謂春秋冬夏方土出有也

吾盜天地之

時利雲雨之滂

普浪反

潤山澤之產育以生吾未殖吾稼

築吾垣建吾舍陸盜禽獸水盜魚鱉亡非盜也夫禾稼

土木禽獸魚鱉皆天之所生豈吾之所有

天尚不能自生豈能生物

人尚不能自有豈能有物此乃明其自生自有也

然吾盜天而亡殃

天亡其施我公其心

何往而有怨哉

夫金玉珍寶穀帛財貨人之所聚豈天之所與

天尚不能與宜人所能聚此亦明其自能自聚

若盜之而獲罪孰怨哉

財我犯

其私所以致咎

向氏大惑以為國氏之重罔已也過東郭先生

問焉東郭先生曰若一身庸非盜乎盜陰陽之和以成

若生載若形況外物而非盜哉

若其有盜邪則我身即天地之一物不得私而

有之若其無盜邪則外內不得異也

誠然天地萬物不相離

力智反

也認

而有之皆惑也

夫天地萬物之都稱萬物天地之別名雖復各私其身理不相離認而有之心

之惑也因此而言夫天地委形非我有也飭愛色貌矜伐智能已為惑矣至於甚者橫認外物以為已有乃標

名氏以自異倚親族以自固整章服以糴物藉名位以動衆封殖財貨樹立權黨終身欣玩莫由自悟故老子曰吾所以有大患為吾身莊子曰百骸六藏吾誰與為親領斯旨也則方寸與太虛齊空形骸與萬物俱有也

國氏之盜公道也故亡殃若之盜私心也故得罪

公者對私

之名無私則公名滅矣今以犯天者為公犯人者為私於理未至

有公私者亦盜也

直所

犯之異耳未為非盜

亡公私者亦盜也

一身不得有不有財物不得不聚復欲遣之非能即而

無心者也

公公私私天地之德

生即天地之一理身即天地之一物今所愛吝復是愛吝

天地之間生身耳事無公私理無愛吝者也

知天地之德者孰為盜邪孰為

不盜邪

天地之德何邪自然而已自然而已何所歷其公私之名公私之名既廢盜與不盜理無差也

列子卷一

欽定四庫全書

列子卷二

晉 張湛 注

唐 殷敬慎 釋文

黃帝第二

稟生之質謂之性得性之極謂之和故應理處順則所適常通任情背道則遇

物斯滯

黃帝即位十有五年喜天下戴已

隨世而喜耳

養正命

正當為性

娛耳目供鼻口焦

音焦然肌

本又作顏色

色

奸反古旱

黥

音每諸書無此

字

昏然五情爽惑

役心智未足以養性命祇足以焦形也

又十有五年憂

天下之不治

隨世而憂耳

竭聰明進

音盡

智力營百姓焦然肌

色奸黷昏然五情爽惑

用德明未足以致治祇足以亂神也

黃帝乃喟然

讚曰

讚當作歎

朕之過淫矣

淫當作深

養一已其患如此治萬物

其患如此

惟任而不養縱而不治則性命自全天下自安也

於是放萬機舍

音捨

宮寢去直侍徹鐘懸減厨膳退而間

音間

居大庭之館齋

心服形

心無欲則形自服矣

三月不親政事晝寢而夢

將明至理不可以情

求故寄之於夢聖人無夢也

遊於華胥氏之國華胥氏之國在弇

音奄

州之西台州之北

不必便有此國也明至理之必如此耳淮南云正西曰兪州西北曰台州

不知斯齊國幾

居豈反

千萬里

斯離也齊中也

蓋非舟車足力之

所及神游而已

舟車足力形之所資者耳神道恍惚不行而至者也

其國無帥

所類

反長

丁丈反帥長首主也

自然而已其民無嗜欲自然而已

自然者不

資於外也

不知樂生不知惡死故無夭殤不知親已不知踈

物故無愛憎不知背

音佩

逆不知向順故無利害

理無生死故無

所樂惡理無愛憎故無所親踈理無逆順故無所利害也

都無所愛惜都無所畏忌

入水不溺入火不熱斫撻

斫音酌撻打也

無傷痛指擿

音倜擿也

無

瘡癢

餘兩反瘡癢謂疼癢也周禮春時有瘡首疾夏時有瘡疥疾鄭玄云瘡酸削也說文云瘡疼病也○

至和者無物能陽熱溺痛瘡實由於懼義例詳於下章痛癢酸痛也義見周官乘空如履實寢

虛若處牀雲霧不硌

五蓋反

其視雷霆不亂其聽美惡不

滑音其心山谷不躓

音致

其步神行而已

至順者無物能逆也

黃帝

既寤

亦寄之眠寤耳聖人無眠覺也

悟然自得召天老力牧太山稽

音鷄

漢書云太山稽黃帝師也○三人黃帝相也

告之曰朕間居三月齋心服形

思有以養身治物之道弗獲其術

身不可養物不可治而精思求之未可得

疲而睡所夢若此今知至道不可以情求矣朕知之矣

朕得之矣而不能以告若矣

不可以情求則不能以情告矣

又二十有

八年天下大治幾若華胥氏之國而帝登假

假當作退

百姓

號

戶乃反

之二百餘年不輟列姑射

射音夜

山在海河洲中

見山海經

山上有神人焉

凝寂故稱神人

吸風飲露不食五穀

既不食穀

笑豈復須吸風飲露哉蓋吐納之貌不異於物耳

心如淵

上字讀為深

泉行如處女

盡柔虛之極者其天姿自粹非養而不衰也

不偃

鳥恢反愛也

不愛

不偃不愛謂或隱或見山

海經曰北海之隅其人水居偃愛隱偃也字林云偃仿佛見不審也○偃亦愛也芻狗萬物思無所偏偃音隱

仙聖為之臣

仙壽考之跡聖治世之名

不畏不怒愿慙為之使

畏威

也若此豈有君臣役使之哉尊卑長短各當其分因此而寄稱耳

不施不惠而物自足

不聚不斂而已無愆

愆本又作塞去言反○愆塞之也

陰陽常調日月

常明四時常若

若順也

風雨常均字育常時年穀常豐而

土無札傷人無天惡物無疵厲鬼無靈響焉

天人合德陰陽順序

昏明有度災害不生故道合二儀契均四時老子曰以道位天下者其鬼不神

列子師老商氏

友伯高子進二子之道乘風而歸

莊子云列子御風而行泠然善旬五日而

後反蓋神人禦冠稱之也

尹生聞之從列子居數月不省

思井反

舍因

問

問音

請斬其術者十反而十不告尹生懟

音墜怨也

而請

辭列子又不命尹生退數月意不已又往從之列子曰

汝何去來之頻尹生曰曩章載

章載字載則一本作章載

有請於子

章載尹生名

子不我告固有憾於子今復脫然是以又來列

子曰曩吾以汝為達

曩昔也

今汝之鄙至此乎

音居

將告

汝

音居也

所學於夫子者矣自吾之事夫子友若人也

夫子

謂老商若人謂高伯

三年之後心不敢念是非口不敢言利害始

得夫子一眄而已

實懷利害而不敢言此匿怨藏情者也故眄之而已

五年之後

心庚念是非口庚言利害

庚當更

夫子始一解顏而笑

是

利害世間之常理任心之所念任口之所言而無矜吝於胃懷內外如一不猶踰於已而不顯哉欣其一致聊

寄笑焉

七年之後從

音縱下同

心之所念庚無是非從口之所

言庚無利害夫子始一引吾並席而坐

夫心者何寂然而無意想也口者

何默然而自吐納也若順心之極則無是非任口之理則無利害道契師友同位比肩故其宜耳

九年

之後橫

去聲下同縱故也

心之所念橫口之所言亦不知我之

是非利害歟亦不知彼之是非利害歟亦不知夫子之

為我師若人之為我友內外進矣

心既無念口既無達故能忘其所念縱其

所言體道窮宗為世津梁終日念而非我念終日言而非我言若以無念為念無言為言未造於極也所謂無

為而無不為者如斯則彼此之異於何而
求師資之義將何所施故曰內外盡矣而後眼如耳

耳如鼻鼻如口無不同也心凝形釋骨肉都融不覺形

之所倚足之所履隨風東西猶木葉幹音殼竟不知風

乘我邪我乘風乎

夫眼耳鼻口各有攸司令神凝形廢無待於外則視聽不資眼耳鼻味不

賴鼻口故六藏七孔四肢百節塊然尸居同為一物則形奚所倚足奚所履我之乘風風之乘我孰能辨也

今女居先生之門曾未浹時而懃懃者再三女之片體

將氣所不受汝之一節將地所不載

用其情有其身則肌骨不能相容一

體將無所寄豈二儀之所能覆載

履虛乘風其可幾

音

乎尹生甚作屏

息良久不敢復言列子問關尹

關令尹喜字公度著書九篇

曰至人

潛行不空

一本作室塞也。○不空者實有也。至人動止不以實有為閤者也。郭象曰其心虛故能御

羣實也蹈火不熱行乎萬物之上而不慄

向秀曰天下樂推而不厭非吾

之自高故不慄者也

請問何以至於此關尹曰是純氣之守也非

智巧果敢之列

列音例。○至純至真即我之性分非求之於外順而不失則物所不能害豈智

計勇敢而得冒涉艱危也

姬姬音居

魚語

魚當作吾語魚據反

女音汝

凡有貌像聲

色者皆物也

上至聖人下及昆蟲皆形聲之物以形聲相觀則無殊絕者也物與物何

以相遠

于萬反

也

向秀曰唯無心者獨遠耳

夫奚足以至乎先是色而

已向秀曰同是形色之物耳未足以相先也以相先者唯自然也則物之造音作臧作反注同

乎不形而止乎無所化有既無始則所造者無形矣形既無終則所止者無化矣造音

作夫得是而窮之者焉於度反得為正焉尋形聲欲窮其終始者亦焉得

至極之所乎彼將處乎不深之度即形色而不求其終始者不失自然之正矣深當作

淫而藏乎無端之紀至理豈有隱藏哉任而不執故冥然無迹端崖不見游乎萬

物之所終始乘理而無心者則常與萬物並遊豈得無終始之迹者乎壹其性養其

氣一本作真其氣含其德以通乎物之所造造至也○氣壹德純者豈但自通而

已哉物之所至皆使無聞然後通濟羣生焉造音操夫若是者其天守全其神無

卻

卻音絃
開也

物奚自入焉

自然之分不虧則形神
全一憂患奚由而入也

夫醉

者之墜於車也雖疾不死骨節與人同而犯害與人異

其神全也乘

食陵反

亦弗知也墜亦弗知也

此借麤以明
至理之必然

也死生驚懼不入乎其胷是故還

音忤遇也一本作還
心不欲見而見曰還

於義頗迂莊
子亦作還

物而不惴

惴之涉反○向秀
曰遇而不恐也

彼得全於酒

而猶若是

向秀曰醉故失其所
知耳非自然無心也

而況得全於天乎

向秀
曰得

全於天者自然無
心委順至理也

聖人藏於天故物莫之能傷也

郭象
曰不

閱性分之外
故曰藏也

列禦寇為

于僞反

伯昏無

莫侯反
下並同

人射引之

盈貫

盡弦窮鏑

措杯

必回反

水其肘上

手停審故杯水不傾

發之鏑矢復

沓

郭象曰矢去也箭鏑去復往沓

方矢復寓

郭象曰箭方去未至的以復寄杯於肘言敏捷之妙

也

當是時也猶象

木偶人形曰象人

人也伯昏無人曰是射之

射

雖盡射之理而不能不以矜物也

非不射之射也

忘其能否雖不射而同乎射也

當

與汝登高山履危石臨百仞之淵若能射乎

內有所畏懼則失其

射矣

於是無人遂登高山履危石臨百仞之淵背遂逡足

二分垂

謂足二分懸垂在外

在外揖禦寇而進之禦寇伏地汗流

至踵伯昏無人曰夫至人者上闕青天下潛黃泉揮斥

郭象曰揮斥猶放縱也又曰揮斥奮迅也

八極神氣不變

夫德充於內則神滿於外無遠近幽

深所在皆明故審安危之機而泊然自得也

今汝怵

丑律反

然有恂

何承天纂云吳人呼

瞬目為恂目

目之志爾於中

丁仲反

也殆矣夫

郭象曰不能明至分故有懼而

所喪者多矣

范氏有子曰子華善養私名

遊俠之徒也

舉國

服之有寵於晉君不仕而居三卿之右目所偏視晉國

爵之口所偏肥

音皮美反按說文字林並作肥又作地皆毀也字從其省音鄙肥薄也

晉

國黜之游其庭者侔於朝子華使其俠客以智鄙相攻

彊弱相凌雖傷破於前不用介意

介界副也稱也

終日夜以此

為戲樂國殆成俗禾生子伯范氏之上客出行經垆外

垆郊野之外也

宿於田更商丘開之舍

更當作叟

中夜禾生子伯二

人相與言子華之名勢能使存者亡亡者存富者貧貧

者富商丘開先

悉薦反

窘

奇隕反困也

於饑寒潛於牖北聽之

因假糧荷

胡可反

畚

音本黃籠也

之子華之門子華之門徒皆

世族也縞衣乘軒緩步闊

苦括反遠也廣也

視顧見商丘開年

老力弱面目黎黑衣冠不檢莫不聃之

聃奴革反方言云楊越之間凡

人相輕侮以為無知謂之聃聃耳目不相信也

既而狎侮欺給

音代方言相欺亦曰給

攬

攢胡廣反方言今江東人亦名推為攢又音晃撻打也

搯搯蒲結反方言凡相推搯搯曰搯又扶畢反推擊

也挨烏駭反推也

枕枕丁感反方言擊背也一本作抗違拒也○攢音晃忬音扶開挨音烏待枕音

都感切亡亡音無

所不為商丘開常無愠容而諸客之技單

單音丹慊慊蒲介反盡也

於戲笑遂與商丘開俱乘高臺於衆

中漫莫汗反散也

言曰有能自投下者賞百金衆皆競應商

丘開以為信然遂先投下形若飛鳥

一本作飛鳥揚餘亮反猶颺物

從風也於地駢音肌

骨無礪音毀范氏之黨以為偶然未詎怪

也因復扶又反

指河曲之淫深隈烏恢反水曲也一本作偶

曰彼中有

寶珠泳

音詠潛行水中也

可得也商丘開復從而泳之

水底潛行曰泳

既出果得珠焉衆昉

昉分兩反或云昉始也

同疑子華昉令豫肉

食衣帛之次俄而范氏之藏大火子華曰若能入火取

錦者從所得多少賞若商丘開往無難色入火往還埃

不漫身不焦范氏之黨以為有道乃共謝之曰吾不知

子之有道而誕子

誕欺也

吾不知子之神人而辱子子其

愚我也子其聾我也子其盲我也敢問其道商丘開曰

吾亡

亡音無

道雖吾之心亦不知所以雖然有一於此試

與子言之曩子二客之宿吾舍也聞譽范氏之勢能使
存者亡亡者存富者貧貧者富吾誠之無二心故不遠
而來及來以子黨之言皆實也唯恐誠之之不至行之
之不及不知形體之所措利害之所存也心一而已物
亡迂者如斯而已今昉知子黨之誕我我內藏猜慮外
矜觀聽追幸昔日之不焦溺也怛然內熱惕然震悸矣
水火豈復可近哉自此之後范氏門徒路遇乞兒馬醫
弗敢辱也必下車而揖之宰我聞之以告仲尼仲尼曰

汝弗知乎夫至信之人可以感物也動天地感鬼神橫
六合而無逆者豈但履危險入水火而已哉商丘開信
偽物猶不逆況彼我皆誠哉小子識之周宣王之牧正

養禽獸
之長也

有役人梁騫者能養野禽獸委

於偽
反

食

音嗣下
食虎同

於園庭之內雖虎狼鵬鶚之類無不柔馴者雄雌在前

孳

音茲又音字乳化
曰孳交接曰尾

尾

孳尾壯壯
相生也

成羣異類雜居不相

搏噬

音博
逝

也王慮其術終於其身令毛丘園

一本作園
魚呂反姓

毛名傳之梁騫曰騫賤役也何術以告爾懼王之謂隱

於爾也且一言我養虎之法凡順之則喜逆之則怒此

有血氣者之性也然喜怒豈妄發哉皆逆之所犯也夫

食虎者不敢以生物與之為

反于偽

其殺之之怒也

恐因殺以

致怒

不敢以全物與之為其碎

一本作決之

之之怒也

恐因用力致

怒時其饑飽達其怒心

向秀曰達其心之所以怒而順之也

虎之與人異

類而媚養已者順也

殊性而愛媚我順之故也

故其殺之逆也

所以害物

逆其心故

然則吾豈敢逆之使怒哉亦不順之使喜也夫喜

之復也必怒怒之復也常喜皆不中也

不處中和勢極則反必然之數

今吾心無逆順者也則鳥獸之視吾猶其儕也故游吾

園者不思高林曠澤寢吾庭者不願深山幽谷理使然

也

聖人所以陶運羣生使各得其性亦猶役人之能將養禽獸使不相殘害也

顏回問乎仲

尼曰吾嘗濟乎觴深之淵矣津人操

七刀反下同

舟若神吾

問焉曰操舟可學邪曰可能游

浮水曰游

者可教也善游者

數

色據反術也注同

能

向秀曰其數自能也言其道數必能不懼舟也

乃若夫没人則

未嘗見舟而諛

所六反莊子作便

操之者也

諛起也向秀曰能驚沒之人也

吾

問焉而不告敢問何謂也仲尼曰譟

譟音衣與譟同歎聲也

吾與

若玩

五貫反
習也

其文也久矣而未達其實而固且道與

音余

○見操舟之可學則是玩其文未悟沒者之自能則是未至其實今且為汝說之也

能遊者可教

也輕水也善游者之數能也忘水也

忘水則無
矜畏之心

乃若夫

沒人之未嘗見舟也而謾操之也彼視淵若陵視舟之

覆猶其車却也覆却萬物方陳乎前而不得入其舍

神明

所居故
謂之舍

惡

音烏

往而不暇

所遇皆
開暇也

以瓦

樞

樞探也
物探而取之亦

以手藏

曰藏樞風土記云臘日飲祭之後叟樞兒童為藏樞之戲辛氏三秦記云漢鉤弋夫人手拳時人傲之因名為

藏鉤也樞曰侯
反莊子作樞

者巧以鉤

銀銅
為之

樞者憚

待汗
反

以黃金樞

者惛

惛音昏方言迷殯也○互有所投者

巧一也而有

所矜則重外也凡重外者拱

本作拙

內

唯忘內外遺輕重則無巧拙矣

孔

子觀於呂梁

在今彭城郡爾雅曰石絕水曰梁

懸水三十仞流沫三十

里黿鼉魚鼈之所不能游也見一丈夫游之以為有苦

而欲死者也使弟子並流而承

音拯方言出溺為承諸家直作拯又作拯

之

數百步而出被髮行歌而游於棠行

棠當作塘行當作下

孔子從

而問之曰呂梁懸水三十仞流沫三十里黿鼉魚鼈所

不能游向吾見子道之

道當作蹈

以為有苦而欲死者使弟

子並流將承

音拯

子子出而被髮行歌吾以子為鬼也察

子則人也請問蹈水有道乎曰亡

音無本無此亡字

吾無道吾

始乎故長乎性成乎命與齋俱入與汨

古忽反涌波也郭象云洄伏而

涌出者汨也

偕出

齋汨者水迴入涌出之貌

從水之道而不為私焉此吾

所以道之也孔子曰何謂始乎故長乎性成乎命也曰

吾生於陵而安於陵故也

故猶素也任其真素則所遇而安也

長於水而

安於水性也

順性之理則物莫之逆也

不知吾所以然而然命也

自然

之理不可以智知知其不可知謂之命也

仲尼適楚出於林中見疴

於焉反

僂

音縷病僂
背曲疾也

者承蜩

音條一本
作蜩蟬也

猶掇

都括反
拾也

之也仲尼曰

子巧乎有道邪曰我有道也五六月累

占累反

垸

音九司
馬云謂

累九於竿頭也

二而不墜則失者錙銖

音淄殊○向秀曰累二九而不墜是用手之傳

審也故承蜩所失者
不過錙銖之間耳

累三而不墜則失者十一累五而

不墜猶掇之也

用手轉審則
無所失者也

吾處也若檠株駒

檠本或
作振同

其月反說文作身木也李願云檠堅也株駒亦
枯樹本也駒音俱○崔譔曰檠株駒斷樹也

吾執臂

若槁

空好反

木之枝雖天地之大萬物之多而唯蜩翼之

知吾不反不側不以萬物易蜩之翼何為而不得

郭象
曰遺

彼故得此也

孔子顧謂弟子曰用志不分乃凝於神

分猶散意專則

與神相似者也

其病僂丈人之謂乎丈人曰汝逢衣

禮記儒行篇曰邱少

居魯衣逢掖之衣長居宋冠章甫之冠鄭玄注云逢猶大也謂大掖之衣向秀曰儒服寬而長大

徒也

亦何知問是乎脩汝所以而後載言其上

脩治也言治汝所用仁義

之術反於自然之道然後可載此言於身上也

海上之人有好

呼報反

漚鳥者

每旦之海上從漚鳥游漚鳥之至者百住

音數

而不止

和心

而形順者物所不惡住當作數

其父曰吾聞漚鳥皆從汝游汝取來吾

玩之明日之海上漚鳥舞而不下也

心動於內形變於外禽鳥猶覺人理

豈可詐哉

故曰至言去

丘呂反

言至為無為齊

在諸反

智之所知

則淺矣

言為都忘然後物無疑心限於智之所知則失之遠矣或有疑丈人假偽形以獲蟬海童任和

心而臨游二情相背而同不忤物夫立言之本各有攸趣似若乖互會歸不異者蓋丈人明夫心慮專一猶能

外不駭物況自然冥至形同於木石者乎至於海童誠心充於內坦蕩形於外雖未能利害兩忘猜忌兼消然

輕羣異類亦無所多怪此二喻者蓋假近以微遠借末以明本耳

趙襄子率

所律反

徒十

萬狩於中山

火畋曰狩

藉在夜反

芴

芴而誼反在下曰藉草不剪曰芴

燔

燔音煩燒

也林扇赫百里有一人從石壁中出隨煙燼

疾刃反

上

時掌

反下衆謂鬼物火過徐行而出若無所經涉者襄子怪

而留

力救反謂宿留而視之

之徐而察之形色七竅人也氣息音

聲人也問奚道而處石奚道而入火其人曰奚物而謂

石奚物而謂火

此則都不覺有石火何物而能聞之

襄子曰而嚮之所出

者石也而嚮之所涉者火也其人曰不知也

不知之極故得如此

魏文侯聞之問子夏曰彼何人哉子夏曰以商所聞夫

子之言和者大同於物物無得傷闕者游金石蹈水火

皆可也文侯曰吾子奚不為之子夏曰剗

剗音枯

心去智

商未之能雖然試語之有暇矣

夫因心以剗心借智以去智心智之累誠盡然

所遣心智之跡猶存明夫至理非
用心之所體忘言之則有餘暇矣
文侯曰夫子奚不為

之子夏曰夫子能之而不為者也
文侯大說

說音悅
天下有

能之而不為者有能之而不能不為者有不能而強
欲為之者有不為而自能者至於聖人亦何所為亦何
所不為亦何所能亦何所不能俛仰同俗升降隨物奇
功異迹未嘗顯顯體中之絕妙處萬不視一焉此卷自
始篇至此章明順性命之道而不係著五情專氣致柔
誠心無二者則處水火而不焦溺涉木石而不悖駭觸
鋒刃而無傷殘履危險而無巔墜萬物靡逆其心入獸
不亂群神能獨游身能輕舉耳可洞聽目可徹照斯言
不經實駭常心故試論之夫陰陽遞化五才偏育金土
以母子相生水火以燥濕相乘人性以靜躁殊途升降
以所能異情故有雲飛之翰淵潛之鱗火遊之鼠木藏
之蟲何者剛柔炎涼各有攸宜安於一域則困於餘方

至於聖人心與元氣玄合體與陰陽冥諧方圓不當於一象溫涼不值於一器神定氣和所乘皆順則五物不能逆寒暑不能傷謂含德之厚和之至也故常無死地豈用心去就而復全哉蹈水火東雲霧履高危入甲兵未足怪也

有神巫

男曰覡女曰巫顏師古曰巫覡亦通稱

自齊來處於鄭命曰

季咸知人死生存亡禍福壽夭期以歲月旬日如神鄭

人見之皆避

一本作棄

而走

向秀曰不喜自間死日也

列子見之而心醉

向秀曰迷感其道也

而歸以告壺丘子

列子師也

曰始吾以夫子之道

為至矣則又有至焉者矣

郭象曰謂季咸之至又過於夫子也

壺子曰吾

與汝無其文未既其實而固得道與

與音余

衆雌而無雄

而又奚卵焉

向秀曰夫實由文顯道以事彰有道而無事猶有雖無雄耳今吾與汝雖深淺不同

無俱在實位則無文相發矣故未盡我道之實也此言至人之唱必有感而後和者也而以道與

世抗

抗口浪反或作亢音同

必信矣夫故使人得而相

悉亮反

汝

曰元其一方以必信於世故可得而相也

嘗試與來以予示之明日列子與

之見壺子出而謂列子曰謔

謔音然

子之先生死矣弗活

矣不可以旬數矣吾見怪焉見濕灰

司馬云氣如濕灰

馬列子

入涕泣沾衾以告壺子壺子曰向吾示之以地文

向秀曰塊

然若罪本

乎不詖

音震不止

罪或作萌向秀曰萌然不動亦不自止與枯木同其

不華死灰均其寂魄此至人無感之時也夫至人其動也天其靜也地其行也水流其湛也淵嘿淵嘿之與水流天行之與地止其於不為而自然一也今季咸見其尸居而坐忘忘即謂之將死見其神動而天隨便為之有生苟無心而應感則與變升降以世為量然後足為物主而順時無極耳豈相者之所覺哉

是殆見

吾杜德幾也

向秀曰德幾不發故曰杜也

嘗又與來明日又與之見壺

子出而謂列子曰幸矣子之先生遇我也

有瘳矣

灰或作全

有生矣吾見杜權矣

有用而無利故謂之杜權

列子入告壺子

壺子曰向吾示之以天壤

向秀曰天壤之中覆載之功見矣比地之文不猶外乎

名實不入

向秀曰任自然而覆載則名利之飾皆為棄物

而機發於踵

許慎注淮南子

云機發不旋踵。○郭象曰：常在極上起。

此為杜權是殆見吾善者幾也。

秀向

曰：有善於彼，彼乃見之。明季咸之所見者，淺矣。

嘗又與來明日，又與之見壺子。

出而謂列子曰：子之先生坐不齋。

齋側皆反。下同。○或無坐字。向秀曰：無往。

不平。混然一之，以管窺天者，莫見其崖，故以不齋也。

吾無得而相焉，試齋將且復。

相之列子入告壺子。壺子曰：向吾示之以太沖莫朕。

秀向

曰：居太沖之極，皓然泊心玄同，萬方莫見其迹。

是殆見吾衡氣幾也。

衡平也。

鯢

鯢音

倪

旋。旋音桓。云：盤桓也。一作旋，謂盤旋也。

之潘

音盤。本作蟠，水之盤。回之盤，今作潘，恐寓之誤。

為淵止水之潘，為淵。

鮪大魚也。桓盤桓也。蟠洄流也。此言大魚盤桓其水蟠洄而成深泉。

南華真經作審梁
簡文云蟠聚也

流水之潘為淵濫

咸上聲爾雅云水涌出也

水之

潘為淵沃

沃烏僕反水泉從上溜下也

水之潘為淵沆

音軌水泉從旁出也

水

之潘為淵雍

音擁河水決出還復入也

水之潘為淵汧

音牽水之流行也

水

之潘為淵肥

水所出異為肥也

水之潘為淵是為九淵焉

此九水名

義見爾雅夫水一也而隨高下夷險有洄激流止之異似至人之心因外物難易有動寂進退之容向秀曰夫水流之與止鮪旋之與龍雖常淵然自若未始失其靜默也郭象曰夫至人用之則行舍之則止雖波流九變治亂紛紜若居其極者常澹然自得泊乎無為也

嘗又與來明日又與之見壺

子立未定自失而走壺子曰追之列子追之而不及反

以報壺子曰已滅矣已失矣吾不及也壺子曰向吾示

之以未始出吾宗

向秀曰雖進退同羣而常深根寧極也

吾與之虛而猗

於危

移

委移至順之貌○向秀曰無心以隨變也

不知其誰何

向秀曰汎然無所係

因

以為茅

音

靡

崔謨云避伏也

因以為波流故逃也

茅靡當為類靡向秀曰變

化類靡世事波流無往不固則為之非我我雖不為而與羣俯仰夫至人一也然應世變而時動故相者無所用其心自失而走者也然後列子自以為未始學而歸三年不出

向秀曰棄人事之近務也

為

于偽反

其妻饜

饜七反○向秀曰遺恥辱

食

食音嗣下同

狶

虛豈反楚人呼猪作狶

如食人

向秀曰忘貴賤也

於事無親

向秀曰無適無莫也

雕瑑

持究反一本作琢

復朴塊然獨以其形立

向秀曰雕瑑之文復其真朴則

外事紛

音紛

然而封戎

向秀曰真不散也戎或作哉

壹以是終

向秀曰遂得道

也

子列子之齊中道而反

驚人之推敬於已故不敢遂進

遇伯昏瞀人

伯昏瞀人曰奚方而反曰吾驚焉惡

音烏

乎驚吾食於十

漿

客舍賣漿之家

而五漿先饋

饋求位反餉也人皆敬下之也

伯昏瞀人曰

若是則汝何為驚已曰夫內誠不解

郭象曰外自裕飾內不釋然也

形

課

音課

成光

郭象曰舉動以外鎮人心

物內實不足

使人

輕乎貴老

使人輕而尊長之者由其形課成光故也

而整

子西

其所患

郭象曰以

美形動物則所患亂至矣

夫漿人特為食

食音嗣

羹之貨無多餘之贏

贏音盈一本無無字○所貨者羹食所利者盈餘而已

其為利也薄其為權也輕

而猶若是

郭象曰權輕利薄可無求於人而皆敬已是高下大小無所失者

而況萬乘

之主身勞於國而智盡於事

所以不敢之齊

彼將任我以事而

效我以功吾是以驚

推此類也則貨輕者望利薄任重者責功多

伯昏瞀人

曰善哉觀乎

汝知驚此者是善觀察者也

汝處已人將保汝矣

汝若默然

不自顯曜適齊之與處此皆無所懼苟違此義所在見保矣

無幾何而往則戶外之

屨

屨九遇反關西呼屨謂之屨

滿矣

歸之果衆

伯昏瞀人北面而立敦

敦音

頓堅也

杖蹙之乎頤立有間不言而出賓

本作宿導也必忍反

者以

告列子列子提履徒跣而走暨乎門問曰先生既來曾

不廢藥乎

廢置也曾無善言以當藥石也

曰已矣吾固告汝曰人將保

汝果保汝矣非汝能使人保汝

順乎理以接物則物不保之今背理而感物求

物不保不可得

而汝不能使人無汝保也

郭象曰任乎而化則無感無求無感無求

乃不而焉用之感也

汝用何術乃感物如此乎

感豫出異

郭象曰先物施惠惠

不因彼豫出而異者

且必有感也搖而本身又無謂也

必恒使物感已則彼

我之性動易之

與汝遊者莫汝告也

皆搖本之徒不皆相啟悟也

彼所小言

盡人毒也

小言細巧易於惑人故為人毒害也

莫覺莫悟何相孰也

不能相成

濟也

楊朱南之沛老聃西遊於秦邀於郊至梁而遇老子

莊子云楊子居子居或楊朱之字又不與老子同時此皆寓言也

老子中道仰天而歎

曰始以汝為可教今不可教也

與至人遊而未能力其矜誇故曰不可教者也

楊朱不答至舍進涓

涓音管莊子作盥

漱

漱音瘦

巾櫛

壯乙反

脫履

本作履

戶外膝行而前曰向者夫子仰天而歎曰始以汝

為可教今不可教弟子欲請夫子辭行不問

音闕下同

是以

不敢令夫子問矣請問其過老子曰而睢睢

許唯反

而盱

盱

音吁說文云盱仰目也蒼頡篇云盱張目貌高誘注淮南子云睢盱視聽貌

而誰與居

汝

何自居處而夸張若此使物故歎之乎

大白若辱盛德若不足

不與物競則常處卑

而守約也

楊朱蹙然變容曰敬聞命矣其往也舍者迎將家

客舍家也

公執席妻執巾櫛舍者避席煬

音楊司馬云對火曰煬淮南子云富

人水纂錦貧人煬竈口

者避竈

厚自藏異則物憚之也

其反也舍者與之爭

席矣

自同於物物所不惡也

楊朱過

音

宋東之於逆旅逆旅人有妾

二人其一人美其一人惡惡者貴而美者賤楊子問其

故逆旅小子對曰其美者自美吾不知其美也其惡者

自惡吾不知其惡也楊子曰弟子記之行賢而去自賢

之行安往而不愛哉

夫驕盈矜伐鬼神人道之所不與虛已以循理天下之所樂推以此

而往孰能距之

天下有常勝之道有不常勝之道常勝之道曰

柔常不勝之道曰彊二者亦知

亦當作易

而人未之知故上

古之言彊先不已若者

所勝在已下者耳

柔先出於已者

不與物競

則物不能加也

先不已若者至於若已則殆矣

遇敵必危之也

先出於

已者亡

亡音無

所殆矣

理常安也

以此勝一身若徒以此任天

下若徒謂不勝而自勝不任而自任也

夫體柔虛之道處不競之地雖

一身之貴天下之大無心而御之同於徒矣徒空默之謂也郭象曰聽耳之所聞視目之所見知止其所不知能止其所不能用其自用為其自為順往而不競於物者此至柔之道也故舉其自舉持其自持既無分銖之重而我粥余六反子曰欲剛必以柔守之欲彊必以弱保

之守柔不以求剛而自剛保弱不以求彊而自彊故剛彊者非欲之所能致也積於柔必剛

積於弱必彊觀其所積以知禍福之鄉禍福生於所積也彊勝

不若已至於若已者剛必有折也柔勝出於已者其力不可

量老聃曰兵彊則滅王弼曰物之所惡故必不得終焉木彊則折彊極則毀

矣柔弱者生之徒堅彊者死之徒狀不必童童當作同而智

童智不必童而狀童聖人取童智而遺童狀衆人近童
狀而疏童智狀與我童者近而愛之狀與我異者疏而
畏之有七尺之骸手足之異戴髮含齒倚而趣者謂之
人而人未必無獸心雖有獸心以狀而見親矣傳音翼

戴角分牙布爪仰飛伏走謂之禽獸而禽獸未必無人

心雖有人心以狀而見疏矣庖犧氏女媧

媧音瓜庖犧女媧皆古天

子氏神農氏夏后氏蛇身人面牛首虎鼻此有非人之

狀而有大聖之德

人形貌自有偶與禽獸相似者古之聖人多有奇表所謂蛇身人面非被

鱗臆行無有四支牛首虎鼻非戴角垂胡曼
類解頤亦如相書龜背鵠步鳶肩鷹喙耳
夏桀殷紂

魯桓楚穆狀貌七竅皆同於人而有禽獸之心而衆人守

一狀以求至智未可幾也音黃帝與炎帝戰於阪

蒲板反

泉之野帥

音

熊羆狼豹貙虎為前驅鵬鵠

鵠一本作鵠

鷹鳶

為旗幟

幟音幟自熊羆皆
猛獸勇聞者也

此以力使禽獸者也堯使夔

典樂擊石拊石百獸率舞簫韶九成鳳皇來儀此以聲

致禽獸者也然則禽獸之心奚為異人形音與人異而

不知接之之道焉聖人無所不知無所不通故得引而

使之馬禽獸之智有自然與人童者其齊欲攝生亦不

暇智於人也牝牡相偶母子相親避平依險違寒就溫

居則有群行

戶剛反

則有列小者居內壯者居外飲則相

攜食則鳴羣太古之時則與人同處與人並行

德純者禽獸不

忌也帝王之時始驚駭散亂矣逮於末世隱伏逃竄以避

患害

人有害物之心物亦知避之也

今東方介氏之國其國人數數

音朔

解六畜

朽又反

之語者蓋偏知之所得

夫龜龍甲鱗之宗麟鳳毛羽之長爰

逮蚺飛螭動皆鳴呼相聞各有趣共相制御豈異於人但人不能解因謂禽獸之聲無有音章是以窮理備

智則所通萬途因事偏達偶識一條春秋左氏傳曰介葛盧聞牛鳴曰是生三子盡為犧矣 太古神

聖之人備知萬物情態悉解異類音聲會而聚之訓而

受之同於人民故先會鬼神魑魅禹朝羣神於會稽是也次達八

方人民未聚禽獸蟲蛾爾雅云有足曰虫無足曰蛾一本作虫蛾口百獸率舞是也

言血氣之類心智不殊遠也神聖知其如此故其所教

訓者無所遺逸焉宋有狙公者好養猿猴者因謂之狙公也愛狙養

之成羣能解狙之意狙亦得公之心損其家口充狙之

欲俄而匱焉將限其食恐衆狙之不馴於已也馴音脣先

誑之曰與若茅

音序茅
栗也

朝三暮四足乎衆狙皆起而怒

俄而曰與若茅朝四而暮三足乎衆狙皆伏而喜物之

以能鄙相籠皆猶此也聖人以智籠羣愚亦猶狙公之

以智籠衆狙也名實不虧使其喜怒哉紀渚

姓紀名渚
或作消

子為

于偽
反

周宣王養鬪雞十日而問雞可鬪已乎曰未

也方虛驕而恃氣

無實而
自矜者

十日又問曰未也猶應影嚮

李顥云應響鳴顧
影行○接悟之速

十日又問曰未也猶疾視而盛氣

常求

敵而必
已之勝

十日又問曰幾矣雞雖有鳴者已無變矣

彼命
敵而

我不應忘勝負矣

望之似木雞矣其德全矣

至全者更不似血氣之類

異雞

無敢應者反走耳

德全者非但已無心乃使外物不生心郭象曰養之以至於全者猶無敵

於外況自全乎

惠盜

阿浪反○惠盜惠施之族

見

賢過反

宋康王康王蹠足聲

欬疾言曰寡人之所說者勇有力也不說為仁義者也

客將何以教寡人惠盜對曰臣有道於此使人雖勇刺

七亦反

之不入雖有力擊之弗中

丁仲反下同

大王獨無意邪

宋王曰善此寡人之所欲聞也惠盜曰夫刺之不入擊之不中此猶辱也臣有道於此使人雖有勇弗敢刺雖


有力弗敢擊夫弗敢非無其志也臣有道於此使人本
無其志也夫無其志也未有愛利之心也臣有道於此
使天下丈夫女子莫不驩然皆欲愛利之此其賢於勇

有力也四累之上也大王獨無意邪

處卿大夫士民之上故言四累也

宋王曰此寡人之所欲得也惠盎對曰孔墨是已孔丘
墨翟無地而為君無官而為長天下丈夫女子莫不延
頸舉踵而願安利之今大王萬乘之主也誠有其志則
四境之內皆得其利矣其賢於孔墨也遠矣宋王無以

應惠盎趨而出宋王謂左右曰辯矣客之以說服寡人也



列子卷二

欽定四庫全書

子部

列子卷三至五

詳校官侍郎臣謝墉

檢討臣何思鈞覆勘

總校官庶吉士臣倉聖脉

校對官編修臣徐如澍

謄錄監生臣陳增

欽定四庫全書

列子卷三

晉張湛注

唐殷敬慎釋文

周穆王第三

夫稟生受有謂之形俛仰變異謂之化神之所交謂之夢形之所接謂之

覺原其極也同歸虛偽何者生質根滯百年乃終化情枝淺視瞬而滅神道恍惚若存若亡形理顯

著若識若實故洞鑒知生滅之理均覺夢之塗一雖萬變交陳未闕神虛隱惑者以顯昧為成驗遲

速而致疑故竊然而自私以形骸為真宅孰識生化之本歸之於無物哉

周穆王

名滿昭王子也

時西極之國有化人來

化人幻人也

入水火貫

金石反山川移城邑乘虛不墜觸實不破

破音礙

千變萬

化不可窮極既已變物之形又且易人之慮

能使人暫忘其宿所

識知穆王敬之若神事之若君推路寢以居之引三牲以

進之選女樂以娛之化人以為王之宮室卑陋而不可

處王之厨饌腥蠅而不可饗

蠅姑具也

王之嬪御臃惡而不

可親穆王乃為之改築土木之功赭

赭音者赤色

堊

音惡白土也

之色無遺巧焉五府

周禮太府掌九貢九職之貨賄玉府掌金玉玩好內府主良貨賄外

府主泉藏膳府主
四時食物者也

為虛而臺始成其高千仞臨終南

山名

在京

之上號曰中天之臺簡鄭衛之處子娥嫋

嫋音

靡

曼者

娥嫋妖好也
靡曼柔弱也

施芳澤正蛾眉設筭珥

珥音珥瑱也
冕上垂玉以

塞耳○筭首
飾珥瑱也

衣於既反

阿錫

阿細穀
錫細布

曳

曳音
裔

齊紈

齊名紈
所出也

粉白黛黑珮玉環雜芷若

芷若香草

以滿之

充滿
臺館

奏承雲六

瑩九韶晨露以樂之

承雲黃帝樂六瑩帝嘗
樂九韶舜樂晨露湯樂

日月獻玉

衣旦旦薦玉食

言其珍異

化人猶不舍然不得已而臨之居

亡幾何謁王同游王執化人之祛

音墟○祛
衣袖也

騰而上者

中天廼止暨及化人之宮化人之宮構以金銀絡以珠

玉出雲雨之上而不知下之據望之若屯雲焉耳目所

觀聽鼻口所納嘗皆非人間之有王實以為清都紫微

鈞天廣樂帝之所居

清都紫微天帝之所居也傳記云秦穆公疾不知人既寤曰我之帝

所甚樂與百神游鈞天廣樂九奏萬舞不類三代之樂其聲動心一說云趙簡子亦然也

王俯而視

之其宮榭若累塊積蘓

榘

焉王自以居數十年不思其

國也

所謂易人之慮也

化人復謁王同游所及之處仰不見日

月俯不見河海光影所照王目眩不能得視音響所來

王耳亂不能得聽百骸六藏悸而不凝意迷精喪請化

人求還

太虛恍惚之域固非俗人之所涉心目亂惑自然之數也

化人移之

移猶推也

王

若碩虛焉

碩墜也

既寤所坐猶嚮者之處侍御猶嚮者之

人視其前則酒未清肴未晞

扶貴反

王問所從來左右曰

王默存耳由此穆王自失者三月而復更問化人

問其形不

移之

化人曰吾與王神游也形奚動哉

所謂神者不疾而速不行而至

以近事喻之假寐一昔所夢或百年之事所見或絕域之物其在覺也俛仰之須臾再撫六合之外邪想淫念猶得如此況神心獨運不假形器圓通玄照寂然凝虛者乎且曩之所居奚異王之

宮曩之所游奚異王之圃王閒

閒音

恒

謂習其常存也一本無此字

疑暫亡

彼之與此俱非真物習其常存疑其暫亡者心之惑也

變化之極徐疾之

間可盡模哉

變化不可窮極徐疾理亦無間欲以智尋象模未可測

王大悅不恤

國事不樂臣妾

感至言故遺世事之治亂忘君臣之尊卑也

肆意遠游命駕

八駿之乘右服駒

古驂字

騶而左綠耳右驂赤驥而左白

馱

史記曰造父為穆王得驂騶赤驥白馱之馬御以遊巡往見西王母樂而忘歸與穆天子傳畧同郭璞注

云皆毛色以為名也後有渠黃踰輪盜驪山子為八駿○渠古獵字

主車則造父為御離

音泰篆

胛

胛音丙石經作胛字林云隱作西○上齊下合此古字未審

為右

淮南子云鉗且

秦丙之御也除轡銜棄鞭策高誘云皆古之得道善御也鉗其炎反且子余反次車之乘右服

渠黃而左踰輪左駮盜驪驪力移反盜驪即荀子之纖離者也而右山子

柏夭郭璞云柏夭人姓名主車參百為御奔戎為右馳驅千里至

于巨蒐搜西戎國名氏之國巨蒐氏乃獻白鵠之血以飲王

具牛馬之漣竹用反以洗王之足漣乳也以已珍貴獻之至尊所及二乘

實證反之人已飲而行遂宿于崑崙崑崙音崑論之阿赤水之

陽山海經曰流沙之濱赤水之後黑水之前有大山名崑崙之丘有人穴處名曰西王母○山海經云崑崙

山有五別日升崑崙之丘以觀黃帝之宮陸賈新語云黃帝巡游四

海登崑崙山起宮望於其上

而封之以詒後世遂賓于西王母

河圖玉版

云西王母居崑崙山紀年云穆王觴于瑤池之上

西王母人

類也虎齒蓬髮戴勝善嘯也出山海經

西王母為王謠

徒歌曰謠詩名白雲

王和之

和答也詩名東歸

其辭哀焉廼觀日之所入

穆天子傳云西登奔山

一日

行萬里王乃歎曰於乎

於乎音嗚呼又作乎

予一人不盈于德而

諧於樂

諧辨

後世其追數

色句反責也

吾過乎

自此已上至命駕八駿之乘事

見穆天子傳

穆王幾

幾音豈

神人哉

言非神也

能窮當身之樂猶百

年乃徂

知世事無常故肆其心也

世以為登假

假音遐

焉

假字當作遐世以為登遐

明其實死也

老成子學幻於尹文先生三年不告老成子請

其過而求退尹文先生揖而進之於室屏

必郢反

左右而

與之言曰昔老聃之徂西也顧而告子曰有生之氣有

形之狀盡幻也造化之所始陰陽之所變者謂之生謂

之死窮數達變因形移易者謂之化謂之幻

窮二儀之數握陰陽

之紀者陶運萬形不覺其幻也

造物者其巧妙其功深固難窮難終

造物

者豈有心哉自然似妙耳夫氣質憤薄結而成形隨化而往故未即消滅也

因形者其巧顯

其功淺故隨起隨滅

假物而為變革者與成形而推移故暫生暫沒功顯事著故物皆駭

知幻化之不異生死也始可與學幻矣

注篇目已詳其義

吾與

汝亦幻也奚須學哉

身則是幻而復欲學幻則是幻幻相學也

老成子歸用

尹文先生之言深思三月遂能存亡自在幡校

音絞顧野王讀

作翻交

四時冬起雷夏造冰飛者走走者飛

深思一時猶得其道

況不思而自得者乎夫生必由理形必由生未有有生而無理有形而無生生之與形形之與理雖精麗不同而迭為賓主往復流遷未始暫停是以變動不居或聚或散撫之有倫則功潛而事著脩之失度則跡顯而變彰今四時之令或乖則三辰錯序雷冰反用器物蒸爍則飛鍊雲沙以成冰頃得之於常衆所不疑推此類也盡陰陽之妙數極萬物之情者則陶鑄羣有與造化同功矣若夫偏達數術以氣質相引俛仰則一出沒顧

眇則飛走易形終身不著其術故世莫傳焉日用而百姓不知聖

蓋術之末者也人之道也顯奇以駭一世常人之事耳子列子曰善為化者其道密庸其

功同人取濟世安物而已故其功潛著而人莫知焉五帝之德三王之功未

必盡智勇之力或由化而成熟測之哉帝王之功德世為之名非所以

為帝王也揖讓干戈果是所假之塗亦奚為而不顯焉覺教

有八徵夢有六候徵驗也候占也六夢之占義見周官奚謂八徵一曰故

事二曰為為作也三曰得四曰喪五曰哀六曰樂七曰生

八曰死此八徵者形所接也奚謂六候一曰正夢平居自夢

二曰蘊

蘊音愕

夢

周官注云蘊當為驚愕之愕謂驚愕而夢

三曰思夢

因思念而夢

四曰寤夢

覺時道之而夢

五曰喜夢

因喜悅而夢

六曰懼夢

因恐怖而夢

此六者神所交也

此一章大旨亦明覺夢不異者也

不識感變之所起者

事至則惑其所由然識感變之所起者事至則知其所

由然知其所由然則無所怛

怛下達反夫變化云為皆有因而然事以未來而不

尋其本者莫不致惑言識所由雖謫怪萬端而心無所駭也

一體之盈虛消息皆通

於天地應於物類

人與陰陽通氣身與天地並形吉凶往復不得相關通也

故陰

氣壯則夢涉大水而恐懼

失其中和則濡弱恐懼也

陽氣壯則夢涉

大火而燔炳

炳如悅反火性猛烈遇則燔炳也

陰陽俱壯則夢生殺

陰陽

以和為用者也抗則自相利害故或生或殺也

甚飽則夢與甚飢則夢取

有餘故欲

施不足故欲取此亦與覺相類也

是以以浮虛為疾者則夢揚以沈實

為疾者則夢溺藉帶而寢則夢蛇飛鳥銜髮則夢飛

此以

物類

致感將陰夢火將疾夢食飲酒者憂歌儻者哭

此皆明夢或因

事致感或造極相反即周禮六夢六義理無妄然

子列子曰神遇為夢形接為

事

莊子曰其寐也神交其覺也形開

故晝想夜夢神形所遇

此想謂覺時有情慮

之事非如世間常語晝日想有此事而後隨而夢也

故神凝者想夢自消

晝無情念夜無

夢信覺不語信夢不達物化之往來者也

夢為鳥而厲於天夢為魚

而潛於淵此情化往復也

古之真人其覺自忘其寢不夢幾

幾音宜

虛

語哉

真人無往不忘乃當不眠何夢之有此亦寓言以明怪也

西極之南隅有國焉

不知境界之所接名古莽之國陰陽之氣所不交故寒

暑亡

亡音無下同

辨日月之光所不照故晝夜亡辨其民不

食不衣而多眠五旬一覺以夢中所為者實覺之所見

者妄四海之齊謂中央之國

即今四海之內

跨河南北越岱東

西萬有餘里其陰陽之審度故一寒一暑昏明之分察

故一晝一夜其民有智有愚萬物滋殖才藝多方有君

臣相臨禮法相持其所云為不可稱計一覺一寐以為

覺之所為者實夢之所見者妄東極之北隅有國曰阜

阜音婦

落之國其土氣常燠

燠音郁

日月餘光之照其土不

生嘉苗其民食草根木實不知火食性剛悍彊弱相藉

藉音陵

貴勝而不尚義多馳步少休息常覺而不眠

方俗之異

猶覺夢反用動寢殊性各適一方未足相非者也

周之尹氏大治

治音持

產其下

趣

趣音走下同

役者侵晨昏而弗息有老役夫筋力竭矣而

使之彌勤晝則呻呼

呻呼音申吟下同

而即事夜則昏憊而熟

寐精神荒散昔昔

夜夜也

夢為國君居人民之上總一國

之事遊燕宮觀恣意所欲其樂無比覺則復役人有慰

喻其勤者役夫曰人生百年晝夜各分

分半也

吾晝為僕

虜苦則苦矣夜為人君其樂無比何所怨哉尹氏心營

世事慮鍾家業心形俱疲夜亦昏憊而寐昔昔夢為人

僕趨走作役無不為也數罵杖撻無不至也眠中吟

吾南

反嘆

藝音詣吟嘆呻吟並寐語也

呻吟徹旦息焉尹氏病之以訪其

友友曰若位足榮身資財有餘勝人遠矣夜夢為僕苦

逸之復數之常也

夫盛衰相襲樂極哀生故覺之所美夢或惡之

若欲覺夢兼

之豈可得邪尹氏聞其友言寬其役夫之程減已思慮

之事疾並少間

病差也○此章亦明覺夢不異若樂各適一方則役夫憊於晝而逸於夜尹氏

榮於晝而辱於夜理苟不兼未足相跨也

鄭人有薪於野者遇駭鹿御

御音訝迎

也而擊之斃之恐人見之也遽而藏諸隍

無水池

中覆之

以蕉

與蕉同

不勝其喜俄而遺其所藏之處遂以為夢焉

順塗而詠其事傍人有聞者用其言而取之既歸告其

室人曰向薪者夢得鹿而不知其處吾今得之彼直真夢者矣室人曰若將是夢見薪者之得鹿邪詎有薪者邪今真得鹿是若之夢真邪夫曰吾據得鹿何用知彼夢我夢邪薪者之歸不厭

厭音愜又於艷反

失鹿其夜真夢藏之

之處又夢得之之主爽旦案所夢而尋得之遂訟而爭

之歸之士師

掌五禁之法者

士師曰若初真得鹿妄謂之夢真

夢得鹿妄謂之實彼真取若鹿而與若爭鹿室人又謂夢認人鹿無人得鹿今據有此鹿請二分之一以聞鄭君

鄭君曰嘻士師將復夢分人鹿乎訪之國相國相曰夢

與不夢臣所不能辨也欲辨覺夢唯黃帝孔丘

聖人之辨覺夢

何邪直知其不異耳

今亡

亡音無

黃帝孔丘孰辨之哉且恂士師之

言可也

恂信也音荀因喜怒而迷惑猶不復辨覺夢之虛實況本無覺夢也

宋陽里華

胡化

反子中年病忘

忘音望

朝取而夕忘夕與而朝忘在塗則

忘行在室則忘坐今不識先後不識今閭室毒之謁史

而卜之弗占謁巫而禱之弗禁謁醫而攻之弗已魯有

儒生自媒能治之華子之妻子以居產之半請其方儒

生曰此固非卦兆之所占

夫機理萌於彼著龜感於此故吉凶可因卦兆而推情惡

可假象數而尋今忘者之心泊爾釣於死灰廊焉同乎府宅聖人將無所容其鑒豈卦兆之所占

非祈

請之所禱

夫信順之可以祈福慶正誠之可以消邪偽自然之勢也故負愧於神明致怨於人理者

莫不因茲以自極至於情無專惑行無狂僻則非祈請之所禱也

非藥石之所攻

瘵病結於

府藏疾病散於肌體者必假脉診以察其盈虛投藥石以攻其所苦若心非嗜慾所亂病非寒暑所傷則醫師之用宜其廢也

吾試化其心變其慮庶幾其瘳乎

夫忘者都無心慮將何所

化此義自云易令有心反令有慮蓋亂有左右耳

於是試露之而求衣飢之而

求食幽之而求明

先奪其攻已之物以試之

儒生欣然告其子曰疾

可已也然吾之方密傳世不以告人試屏左右獨與居

室七日從之莫知其所施為也

儒者之多方固非一塗所驗也

而積年之

疾一朝都除

上句云使巫醫術之所絕思而儒生獨能已其所病者先引華子之忘同於自然以

明無心之極非數術而得復推儒生之功有過史巫者明理不冥足則可以多方相誘又欲令忘者之悟知曩之忘懷實幾乎至理也華子既悟迺大怒黜妻罰子操戈逐儒生

宋人執而問其以華子曰曩吾忘也蕩蕩然不覺天地之有無今頓識既往數十年來存亡得失哀樂好惡擾擾萬緒起矣吾恐將來之存亡得失哀樂好惡之亂吾

心如此也須臾之忘可復得乎

疾病與至理相似者猶能若斯沉體極乎

子貢

聞而怪之以告孔子孔子曰此非汝所及乎顧謂顏回

紀之

此理亦當是賜之所達所以抑之者欲寄妙賞於大賢耳

秦人逢

逢音

氏有子

少而惠及壯而有迷罔之疾

惠非迷也而用惠之弊必之於迷焉

聞歌以

為哭視白以為黑饗香以為朽

月令曰其具朽

嘗甘以為苦行

非以為是意之所之天地四方水火寒暑無不倒錯者

焉楊氏告其父曰魯之君子多術藝將能已乎汝奚不

訪焉其父之魯過陳遇老聃因告其子之證老聃曰汝

庸知汝子之迷乎今天下之人皆惑於是非昏於利害
同疾者多固莫有覺者且一身之迷不足傾一家一家
之迷不足傾一鄉一鄉之迷不足傾一國一國之迷不
足傾天下天下盡迷孰傾之哉向使天下之人其心盡
如汝子汝則反迷矣哀樂聲色臭味是非孰能正之且

吾之言未必非迷而況魯之君子迷之郵者

魯之君子
咸稱仁義

明言是非故曰
迷之郵者也

焉能解人之迷哉榮汝之糧不若遄歸

也

榮棄也此章明是非之理未可
全定皆衆寡相傾以成辨爭也

燕人生於燕長

張文
反

於楚及老而還本國過晉國同行者誑之指城曰此燕

國之城其人恹

七小反

然變容指社曰此若里之社乃喟

然而歎指舍曰此若先人之廬乃涓

涓音涓胡犬胡絹二反

然而

泣指壠曰此若先人之冢其人哭不自禁

禁音金

同行者

啞

烏陌反

然大笑曰予昔給

給音待欺也

若此晉國耳其人大

慙及至燕真見燕國之城社真見先人之廬冢悲心更

微

少也作微者誤○此章明情有一至哀樂既遇則向之所感皆無欣戚者也

列子卷三

欽定四庫全書

列子卷四

晉張湛注

唐殷敬慎釋文

仲尼第四

智者不知而自知者也忘智故無所知用智則無所能知體神而獨運忘情而

任理則寂然玄照者也

仲尼閒

閒音開

居子貢入侍而有憂色子貢不敢問

子貢雖不

及性與天道至於夫子文章究聞之矣聖人之無憂常流所不及況於賜哉所以不敢問者將發明至理推起

欽定四庫全書

列子
卷四

余於大賢然後
微言乃宣耳

出告顏回顏回援琴而歌孔子聞之果

召回入問曰若奚獨樂回曰夫子奚獨憂

回不言欲宣
問故弦歌以

激發夫子
之言也

孔子曰先言爾志曰吾昔聞之夫子曰樂天

知命故不憂回所以樂也

天者自然之分命
者窮達之數也

孔子愀七

反然有問

愀然變
色少時

曰有是言哉

將明此言之不至
故示有疑問之色汝之

意失矣此吾昔日之言爾請以今言為正也

昔日之言
因事而興

今之所明
盡其極也

汝徒知樂天知命之無憂未知樂天知命有

憂之大也

無所不知無所不樂
無所不憂故曰大也

今告若其實脩一身任

窮達知去來之非我亡變亂於心慮爾之所謂樂天知

命之無憂也

此直能定內外之分辨榮辱之境如斯而已豈能無可無不可歟

曩吾脩

詩書正禮樂將以治天下遺

唯季反

來世

詩書禮樂治世之具聖人因而

用之以救一時之弊用失其道則無益於理也

非但脩一身治魯國而已

夫聖人智

周萬物道濟天下若安一身救一國非所以為聖也

而魯之君臣日失其序仁義

益衰情性益薄此道不行一國與當年其如天下與來

世矣

治世之術實須仁義世既治矣則所用之術宜廢若會盡事終執而不舍則情之者寡而利之者衆

衰薄之始誠由於此以一國而觀天下當今而觀來世致弊豈異唯國通無聞者能惟變所適不滯一方吾

始知詩書禮樂無救於治亂而未知所以革之之方此

樂天知命者之所憂

唯棄禮樂之失不棄禮樂之用禮樂故不可棄故曰未知所以革之

之方而引此以為憂者將為下義張本故先有此言耳

雖然吾得之矣夫樂而知

者非古人之謂所樂知也

莊子曰樂窮通物非聖人故古人不以無樂為樂亦不以

無知為知任其所樂則理自無知

無樂無知是真樂真知

都無

所樂都無所知則能樂天下之樂知天下之知而我無心者也

故無所不樂無所不知

無所不憂無所不為

居宗體備故能無為而無不為也

詩書禮樂何棄

之有革之何為

若欲捐詩書易治術者豈救弊之道即而不去為而不恃物自全矣

顏回

北面拜手曰回亦得之矣

所謂不違如愚者也

出告子貢子貢茫然

自失

未能盡符至言故遂至自失也

歸家淫思七日不寢不食以至骨

立

發憤思道忘眠食也

顏回重往喻之乃反丘門弦歌誦書終身

不輟

既悟至理則亡餘事

陳大夫聘魯私見叔孫氏叔孫曰吾國

有聖人曰非孔丘邪曰是也何以知其聖乎

至哉此問夫聖人之

道絕於群智之表萬物所不闕擬見其會通之迹因謂之聖耳豈識所以聖也

叔孫氏曰吾常

聞之顏回

至哉此答自非體二備形者何能言其髣髴雖其先後乎以顏子之量猶不能為其稱謂

況下斯者乎

曰孔丘能廢心而用形

此顏回之辭夫聖人既無所廢亦無所用廢用

之稱亦因事而生耳故俯仰萬機對接世務皆陳大夫形迹之事耳冥絕而灰寂者固泊然而不動矣

曰吾國亦有聖人子弗知乎曰聖人孰謂曰老聃之弟

子有亢倉子

音庚桑名楚史記作亢倉子賈逵姓氏英覽云吳郡有庚桑姓稱為七族

者得

聃之道

老聃猶不言自得其道亢倉於何得之蓋寄得名以明至理之不絕於物理者耳

能以

耳視而目聽

夫形質者心智之室宇耳目者視聽之戶牖神苟撒焉則視聽不因戶牖照察不闢

牆壁

魯侯聞之大驚

不怪仲尼之用形而怪耳目之易任迹同於物故物無駭心

使

上卿厚禮而致之亢倉子應聘而至

汎然無心者無東西之非已

魯

侯卑辭請問之亢倉子曰傳之者妄我能視聽不用耳

目不能易耳目之用

夫易耳目之用者未是都無所用都無所用者則所假之器廢也

魯侯曰此增異矣其道奈何寡人終願聞之亢倉子曰

我體合於心

此形智不相違者也

心合於氣

此又遠其形智之用任其泊然之氣也

氣合於神

此寂然不動都忘其智智而都忘則神理獨運感無不通矣

神合於無

同

則神矣同神則無矣二者豈有形乎直有其智者其有不得不親無以自通忘其心者則與無而為一也

介然之有唯

唯然反

然之音雖遠在八荒之外近在眉睫之

內來干我者我必知之

唯豁然之無不干聖慮耳涉於有分神明所照不以遠近為差

也乃不知是我七孔四支之所覺心腹六藏之所知其

自知而已矣

所適都忘豈復
覺知之至邪

魯侯大悅他日以告仲尼

仲尼笑而不荅

亢倉言之盡矣仲尼將何所云
今以不荅為荅故寄之一笑也

商太宰

商宋國也宋都商丘
故二名焉太宰官名

見孔子曰丘聖者歟孔子曰聖則

丘何敢

世之所謂聖者據其跡耳豈
知所以聖所以不聖者哉

然則丘博學多識

者也

示現博學多識耳實
無所學實無所識也

商太宰曰三王聖者歟孔子

曰三王善任智勇者聖則丘不知曰五帝聖者歟孔子

曰五帝善任仁義者聖則丘弗知曰三皇聖者歟孔子

曰三皇善任因時者聖則丘弗知

孔丘之博學湯武之
干戈堯舜之揖讓義

表之簡樸此皆聖人因世應務之麗迹非所以為聖者所以為聖者固非言迹之所逮者也 商太宰

大駭

世之所謂聖者孔子皆云非聖商太宰所以大駭也

曰然則孰者為聖孔子

動容有間曰西方之人

聖豈有定所哉趣舉絕遠而言之也

有聖者焉不

治而不亂

不以治治之故不可亂也

不言而自信

言者不信

不化而自行

為者則不能化此能盡無為之極也

蕩蕩乎民無能名焉

何晏無名論曰為民所舉則有

名者無譽無名者也若夫聖人名無名舉無譽謂無名為道無譽為大則夫無名者可以言有名矣無舉者可
以言有舉矣然與夫可舉可名者豈同用哉此比於無
所有故皆有所有矣而於有所有之中當與無所有相
從而與夫有所有者不同同類無遠而相應異類無近
而不相違譬如陰中之陽陽中之陰各以物類自相求

從夏日為陽而夕夜遠與冬日共為陰冬日為陰而朝
晝遠與夏日同為陽皆異於近而同於遠也詳此異同
而後無名之論可知矣凡所以至於此者何哉夫道者
惟無所有者也自天地已來皆有所有矣然猶謂之道
者以其能復用無所有也故雖處有名之域而沒其無
名之象由以在陽之遠體而忘其自有陰之遠類也夏
侯玄曰天地以自然運聖人以自然用自然者道也道
本無名故老氏曰強為之名仲尼稱堯蕩蕩無名焉
下云巍巍成功則強為之名取世所知而稱耳豈有名
而更當云無能名焉者邪夫唯無名故可得徧以天下
之名名之然豈其名也哉惟此是喻而終莫
悟是觀泰山之崇崛而謂元氣不浩茫者也
丘疑其為
聖弗知真為聖歟真不聖歟
聖理冥絕故不可擬言唯疑之者也
商太宰
嘿然心計曰孔丘欺我哉
此非常識所及故以為欺罔也
子夏問孔子

曰顏回之為人奚若子曰回之仁賢於丘也曰子貢之

為人奚若子曰賜之辨賢於丘也曰子路之為人奚若

子曰由之勇賢於丘也曰子張之為人奚若子曰師之

莊賢於丘也

猶務莊

子夏避席而問曰然則四子者何為

事夫子曰居吾語汝夫回能仁而不能反

反變也夫守一而不變無

權智以應物則所適必閑矣

賜能辨而不能訥由能勇而不能怯師

能莊而不能同

辨而不能訥必虛忠信之實勇而不能怯必傷仁恕之道莊而不能同有違和

光之義此皆滯於一方也

兼四子之有以易吾吾弗許也

四子各是一行之極

設使兼而有之求變易吾之道非所許

此其所以事吾而不貳

貳疑也

會同

要當寄之於聖人故欲罷而不能也

子列子既師壺丘子林

日損之師

友伯昏

瞽

莫侯反

人乃居南郭從之處者日數

色主反

而不及

來者相尋

雖復日日料簡猶不及盡也

雖然子列子亦微焉

列子亦自不知其數也

朝朝

相與辨無不聞

師徒相與講肆聞於遠近

而與南郭子連牆二十年

不相謁請

其道玄合故至老不相往來也

相遇於道目若不相見者

道存

則視廢也

門之徒後以為子列子與南郭子有敵不疑

敵隙有

自楚來者問子列子曰先生與南郭子奚敵子列子曰

南郭子貌充心虛耳無聞目無見口無言心無知形無

惕往將奚為

充猶全也心虛則形全矣故耳不感聲目不滯色口不擇言心不用知內外冥一則

形無震動也

雖然試與汝偕往閱

閱音悅

弟子四十人同行

此

也豈復簡優劣計長短數有四十故直而記之也

見南郭子果若欺魄焉

魄片各反

字書作欺類大面魄也類片各反

而不可與接

欺魄土人也一說云欺類神凝形喪外物不能

得聞之

顧視子列子形神不相偶而不可與羣

神役形者也心無思慮則

貌無動用故似不相攝御豈物所得羣也

南郭子俄而指子列子之弟子末

行

戶郎反

者與言

偶在末行非有貴賤之位遇感而應非有心於物也

衍衍然若專

直而在

一本作存

雄者

夫理至者無言及其有言則彼我之辨生矣聖人對接俯仰自同於物故

觀其形者似求是而尚勝也

子列子之徒駭之

見其尸居則自同土木見其接物則若有

是非所以驚

反舍咸有疑色

欲發列子之言

子列子曰得意者無言

進

進音盡

知者亦無言

窮理體極故言意兼忘

用無言為言亦言無

知為知亦知

方欲以無言廢言無知造知希言傍宗之徒固未免於言知也

無言與不

言無知與不知亦言亦知

比方亦復欲全自然處無言無知之域此即復是遣無所

遣知無所知遣無所遣者未能離遣知無所知者曷嘗忘知固非自然而忘言知也

亦無所不言

亦無所不知亦無所言亦無所知

夫無言者有言之宗也無知者有知之主

也至人之心豁然洞虛應物而言而非我言即物而知
而非我知故終日不言而無玄默之稱終日用知而無
後慮之名故得無所
不言無所不知也如斯而已汝奚妄駭哉
不悟至妙之所會者

更麗至高之所適者反下而便怪其應
寂之異容動止之殊貌非妄驚而何
子列子學也
上章

云列子學三年之後心不敢念是非口不敢言利害始
乘風之道

得老商一眇而已五年之後心更念是非口更言利害

老商始一解顏而笑七年之後從
從音縱心之所念更無

是非從口之所言更無利害夫子始一引吾並席而坐

眇笑並坐似若有褒貶升降之情夫聖人之心
應事而感以外物少多為度豈定於一方哉
九年之

後橫心之所念橫口之所言亦不知我之是非利害歟

亦不知彼之是非利害歟外內進

進音盡

矣而後眼如耳

耳如鼻鼻如口口無不同心凝形釋骨肉都融不覺形

之所倚足之所履心之所念言之所藏如斯而已則理

無所隱矣

黃帝篇已有此章釋之詳矣所以重出者先明得性之極則乘變化而無窮後明順心之

理則無幽而不照二章雙出各有攸趣可不察哉

初子列子好游壺丘子曰禦

寇好游游何所好列子曰游之樂所玩無故

言所適常新也

之游也觀其所見我之游也觀其所變

人謂凡人小人也惟觀蔡粹殊

觀以為休戚未覺與化俱往勢不暫停

游乎游乎未有能辨其游者

人與列子

游則同所以游則異故曰游乎游乎明二觀之不同也未有辨之者言知之者鮮

壺丘子曰禦

寇之遊固與人同歟而曰固與人異歟凡所見亦恒見

其變

苟無變傳之處則今之所見常非向之所見則觀所以見觀所以變無以爲異者也

玩彼物

之無故不知我亦無故

彼之與我與化俱往

務外游不知務內觀

外游者求備於物內觀者取足於身取足於身游之至

也求備於物游之不至也

人雖七尺之形而天地之理備矣故首圓足方取象二儀

鼻隆口窵比象山谷肌肉連於土壤血脉屬於川漬溫蒸同乎炎火氣息不異風雲內觀諸己靡有一物不備

豈須仰觀俯察履涉
朝野然後備所見

於是列子終身不出自以為不知

游

既聞至言則廢其游觀不出者非自匿於門庭者也

壺丘子曰游其至乎

向者難列

子之言游也未論游之以至故重叙也

至游者不知所適至觀者不知所

眠

眠音視內足於已故不知所適反觀於身故不知所眠

物物皆游矣物物皆觀

矣

忘游故能遇物而觀忘觀故能遇物而觀

是我之所謂游是我之所謂觀

也

我之所是蓋是無所是耳所適常通而無所凝滯則我之所謂游觀

故曰游其至矣乎

游其至矣乎龍叔謂文摯

摯音至文摯六國時人魯醫齊威王或云春秋時宋國良

醫也曾治齊文王使文王起而病愈

曰子之術微矣吾有疾子能已乎文

摯曰唯命所聽

聽平聲

然先言子所病之證龍叔曰吾鄉

譽不以為榮國毀不以為辱得而不喜失而弗憂視生

如死視富如貧視人如豕

無往不齊則視萬物皆無好惡貴賤

視吾如人

忘彼我也

處吾之家如逆旅之舍

不有其家

觀吾之鄉如戎蠻之

國

天下為一

凡此衆疾爵賞不能勸刑罰不能威盛衰利害

不能易哀樂不能移固不可事國君交親友御妻子制

僕隸

夫人所以受制於物者以心有美惡體有利害苟能以萬殊為一貫其視萬物豈覺有無之異故天

子所不能得臣諸侯不能得友妻
子不能得親僕隸不能得狎也

此奚疾哉奚方能已

之乎文摯乃命龍叔背

背音佩

明而立文摯自後向明而

望之既而曰嘻吾見子之心矣方寸之地虛矣幾聖人

也子心六孔流通一孔不達

舊說聖人心有七孔也

今以聖智為

疾者或由此乎非吾淺術所能已也無所由而常生者

道也

忘懷任遇通亦通窮亦通其無死地此聖人之道者也

由生而生故雖終而

不亡常也

老子曰死而不亡者壽通攝生之理不失元吉之會雖至於死所以為生之道常存此賢

人之分非能忘懷間得自然而全者也

由生而亡不幸也

後智求全貴身賤物違害就利

務內復外雖之於死蓋由於不幸也

有所由而常死者亦道也

行必死之理而之必

死之地此事實相
應亦自然之道也
由死而死故雖未終而自亡者亦常

常之於死雖未至於終而
生理已盡亦是理之常也
由死而生幸也
犯理違順應死而未及於

此此誤
生者也
故無用而生謂之道用道得終謂之常
用聖人之道存

理也
有所用而死者亦謂之道用道而得死者亦謂之

常
乘凶危之理以害其身亦道之常也
季梁之死楊朱望其門而歌
盡生順之

道以至於亡
故無所哀也
隨梧之死楊朱撫其尸而哭
生不幸而死故可哀也

隸人之生隸人之死衆人且歌衆人且哭
隸猶群輩也亦不知所以

生亦不知所以死故哀
樂失其中或歌或哭也
目將眇者先睹
睹音
秋毫耳將

聾者先聞蚘

而銳反

飛口將爽者先辨溜

溜音

澠

澠音乘溜水出

魯郡萊蕪縣澠水西自北海郡千乘縣界流至壽光縣二水相合說符篇曰澠澠之合易牙嘗之○與差也溜

澠水異味既合則難別

鼻將窒者先覺焦朽

焦朽有節之氣亦微而難別也

體將

僵

僵音姜

者先亟

去吏反

犇佚

犇佚音奔逸僵仆也如顏淵知東野之御馬將奔也與人理

然心將迷者先識是非

耳目口鼻身心此六者常得中和之道則不可渝變居亢極之

勢莫不頓盡故物之弊必先始於盈滿然後之於虧損矣窮上反下極盛必衰自然之數是以聖人居中履和

視目之所見聽耳之所聞任體之所能順心之所識故智周萬物終身全具者也

故物不至者

則不反

要造極而後還故聰明強識皆為闇昧衰迷之所資

鄭之圃澤

圃田也在中牟縣

多賢

有道德而
隱默者也

東里多才

有治能而
參國政者

圃澤之役有伯豐

子者

從猶
弟子

行過

過音
戈

東里遇鄧析

析音錫鄧析鄭國辨
智之士執兩可之說

而時無抗者作竹
書子產用之也

鄧析顧其徒而笑曰為

于偽
反

若舞彼

來者奚若

世或謂相嘲
調為舞弄也

其徒曰所願知也

知猶
聞也

鄧析謂

伯豐子曰汝知養養

養養上音余
亮下音余賞

之義乎受人養而不

能自養者犬豕之類也養物而物為我用者人之力也

使汝之徒食而飽衣而息執政之功也

喻彼為犬豕自
以為執政者也

長幼羣聚而為牢藉

藉本作藉側戰反牢謂牲牢也同
也藉謂以竹木圍繞又刺也周禮

鼈人以時籍魚鼈也又國語云羅籍魚也莊子云以臨牢柵李願云牢豕室也柵木欄也文字雖異其意同

也籍音柵庖厨之物奚異犬豕之類乎伯豐子不應非不能應機而

不伯豐子之從者越次而進曰大夫不聞齊魯之多機

乎機巧也多巧能之人有善治土木者有善治金革者有善治聲

樂者有善治書數者有善治軍旅者有善治宗廟者羣

才備也而無相位者無能相使者事立則有所不周藝成則有所不兼巧偏

而智敵者則不能相君御者也而位之者無知使之者無能而知之與

能為之使焉不能知衆人之所知不能為衆人之所能羣才並為之用者不居知能之地而無惡

無好無彼無此則以無為心者也故明者為視聰者為聽智者為謀勇者為戰而我無事焉荀粲謂傅嘏夏侯玄曰子等在世榮問功名勝我識減我耳嘏玄曰夫能成功名者識也天下孰有本不足而有餘於末者邪答曰成名者志也局之所弊也然則志局自一物也固非識之所獨濟我以能使子等為貴而未必能濟子之

所為也

執政者廼吾之所使子奚矜焉鄧析無以應目其

徒而退公儀伯以力聞諸侯堂谿公

公儀堂谿氏也皆周賢士

言之

於周宣王王備禮以聘之公儀伯至觀形懦夫也

懦弱也音

奴亂反

宣王心惑而疑曰女之力何如公儀伯曰臣之力

能折之

舌反

春螽

螽音終一曰蝗也

之股堪秋蟬之翼

堪猶勝也

王作

色曰吾之力者能裂犀兕之革曳九牛之尾猶憾其弱
汝折春蠶之股堪秋蟬之翼而力聞天下何也公儀伯
長息退席曰善哉王之問也臣敢以實對臣之師有商
丘子者力無敵於天下而六親不知以未嘗用其力故
也

以至柔之道御物物無與對故其功不顯

臣以死事之乃告臣曰人欲見

其所不見視人所不窺欲得其所不得修人所不為

人每

攻其所難我獨為其所易

故學眎者先見與薪學聽者先聞撞鐘夫

有易於內者無難於外

古人有言曰善力舉秋毫善聽聞雷霆亦此之謂也

於外

無難故名不出其一家

道至功至故其名不彰也

今臣之名聞於諸

侯是臣違師之教顯臣之能者也

未能令名迹不顯也

然則臣之

名不以負其力者也

猶免於矜故能致稱

以能用其力者也

善用其力

者不用其力也

不猶愈於負其力者乎

矜能顯用

中山公子牟者魏

國之賢公子也

公子牟文侯子作書四篇號曰道家魏伐得中山以邑子牟因曰中山公子牟

也

好與賢人游不恤國事而悅趙人公孫龍

公子牟公孫龍似在

列子後而今稱之恐後人所增蓋以廣書義苟於統例無所乖錯而足有所明亦奚傷乎諸如此皆存而不除

樂正子輿之徒笑之公子牟曰子何笑牟之悅公孫龍

也子與曰公孫龍之為人也行無師學無友不祖宗聖賢也佞

給而不中

丁仲反雖才辨而不合理也

漫衍而無家

儒墨刑名亂行而無定家

好

怪而妄言

愛奇異而虛誕其辭

欲惑人之心屈人之心與韓檀

木安

反等肆之

韓檀人姓名共習其業莊子云桓國公孫龍能勝人之口不能服人之心辨者之固

公

子牟變容曰何子狀公孫龍之過歟請聞其實

不平其言故形

於色罪狀龍太過故責其實驗也

子與曰吾笑龍之給

詒音待欺也下同

孔穿

孔穿孔子之孫世記云為龍弟子給欺也

言善射者能令後鏃中前括發發

相及矢矢相屬前矢造準而無絕落後矢之括猶銜弦

視之若一焉

箭相連屬無絕落處前箭著据後箭復中前箭而後所湊者猶銜弦視之如一物之

相連也

孔穿駭之龍曰此未其妙者逢

蒲江反

蒙之弟子曰

鴻超怒其妻而怖之引烏號之弓綦衛

史記云綦國之竹晉灼曰衛之

苑多竹篠

之箭

烏號黃帝弓綦地名出美箭衛羽也

射其目矢來注眸子而眦

眦音

不眦

本作眦目瞬也下同眦且洽反

矢隧

隧音墜

地而塵不揚

箭行勢極

雖著而不覺所謂彊弩之末不能穿魯縞也

是豈智者之言與公子牟曰智

者之言固非愚者之所曉

以此言戲子與

後鑕中前括鈞後於

前

同發發於前發則無不中也近世有人擲五木者擲百虛者人以為有道以告王夷甫王夷甫曰此無奇

直後擲如前擲耳庾子嵩聞之
曰王公之言闇得理皆此類也
矢注眸子而眶不睫盡

矢之勢也

夫能量弓矢之勢遠近之分則入物之與不

者闇射箭之所至要當其極當其極也則豪分不復進
闇其極則隨遠近而制其深淺矣劉道真語張叔奇云
當與樂彥輔論此云不必是中賢之所能孔顏射者則
必知此湛以為形用之事理之麓者偏得其道則能盡
之若庖丁之投刃匠石之運斤是偏
達於一事不待聖賢而後能為之也
子何疑焉樂正子

輿曰子龍之徒焉得不飾其闕吾又言其尤者龍誑魏

王曰有意不心

夫心寂然無想者也若橫
生意慮則失心之本矣

有指不至

以夫

指求至者則必因我以正物因我以正物則未造其
極唯忘其所因則彼此立得矣惠子曰指不至也
有

物不盡

在於羸有之域則常有有在於物盡之際則其一常在其一常在而不可分雖欲損之理不可

盡唯因而不損即而不違則泰山之崇岷元氣之浩茫泯然為一笑惠子曰一尺之神日取其半萬世不竭也

有影不移

夫影因光而生光苟不移則影更生也夫萬物潛變莫不如此而惑者未悟故借喻於影

惠子曰飛鳥之影未常動也

髮引千鈞

夫物之所以斷絕者必有不可斷均之處處處皆均則不可斷

故髮雖細而得秤重物者勢至均故也

白馬非馬

此論見存多有辨之者辨之者皆不弘通故闕

而不論也孤犢未嘗有母

不詳此義

其負類反倫不可勝言也

負猶

背也類同也言如此之比皆不可備載也

公子牟曰子不諭至言而以為尤

也尤其在子矣

尤失反在子與

夫無意則心同

同於無也

無指則皆

至

忘指故無所不至也

盡物者常有

常有盡物之心物既

影不移

者說在改也

影改而更生非向之影墨子日影不移說在改為也

髮引千鈞勢至

等也

以其至等之故故不絕絕則由於不等故墨子亦有此說也

白馬非馬形名離

也

離猶分也白馬論曰馬者所以命色也命色者非命形也尋此等語如何可解而猶不

然歷孤犢未嘗有母非孤犢也

此語近於鄙不可解

樂正子與曰子

以公孫龍

平原君之客字子東或云趙人

之鳴

一本作公孫龍於馬并注無異於鳴亦作無異

於馬云馬者曰馬論之義也云鳴者但鳴而無理趣取為義則長矣

皆條也

言龍之言無異於鳴而皆

謂有條貫也

設令發於餘竅子亦將承之

既疾龍之辨又恣年之辭故遂吐鄙

慢之言也

公子牟默然良久告退曰請待餘日更謁子論

既

氣方盛而不可理
論故進辭告退也

堯治天下

天下欲治
故堯治之

五十年不知天

下治歟不治歟不知億兆之願戴已歟不願戴已歟

夫

治於物者則治名滅矣治名既滅
則堯不覺在物上物不覺在堯下

顧問左右左右不知

問外朝外朝不知問在野在野不知

若有知者則
治道未至也

堯乃

微服游於康衢聞兒童謠曰立我蒸民莫匪爾極不識

不知順帝之則

蒸衆也夫能使萬物咸得其極者不犯
其自然之性也若以識知制物之性豈

順天之
道哉

堯喜問曰誰教爾為此言兒童曰我聞之大夫

問大夫大夫曰古詩也

當今而言古詩則今同於古也

堯還宮召舜因

禪以天下

功成身退

舜不辭而受之

會至而應

關尹喜曰在已無

居

汎然無係豈有執守之所

形物自著

形物猶事理也事理自明非我之功也

其動若

水

順水而動故若水也

其靜若鏡

應而不藏故若鏡也

其應若響

應而不唱故若響也

故其道若物者也物自違道道不違物

同於道者道亦得之

善若

道者亦不用耳亦不用目亦不用力亦不用心

唯忘所用乃合

耳道

欲若道而用視聽形智以求之弗當矣瞻之在前忽

焉在後用之彌滿六虛廢之莫知其所

道豈有前後多少哉隨所求而

應之亦非有心者所能得遠亦非無心者所能得近

以有心無

心而求道則遠近其於非當若唯默而得之而性成之

者得之

自然無假者則無所失矣

知而忘情能不為真知真能也

知極則同於無情能盡則歸於不為發無知何能情發不能何能為聚塊

也積塵也

此則府宅

雖無為而非理也

列字卷四

欽定四庫全書

列子卷五

晉 張湛 注

唐 殷敬慎 釋文

湯問第五

夫智之所限知莫若其所不知而世齊所見以限物是以大聖發問窮理者對也

殷湯

殷湯姓子名履字天乙

問於夏革

夏棘字子棘為湯大夫○革莊子音棘

曰古

初有物乎

疑直混茫而已

夏革曰古初無物今惡得物

今所以有物由

古有後之人將謂今之無物可乎

後世必復以今世為古世則古今如循環

矣設令後人謂今亦無物則不可矣

殷湯曰然則物無先後乎夏革曰物

之終始初無極已始或為終終或為始惡知其紀

今之所謂

終者或為物始所謂始者或是物終終始相循竟不可分也

然自物之外自事之先

朕所不知也

謂物外事先廓然都無故無所指言也

殷湯曰然則上下八

方有極盡乎

湯革雖相荅然而視聽猶未歷然故重發此問令盡然都了

革曰不知

也非不知也

不湯固問革曰無則無極有則有盡朕何

以知之

欲窮無而限有不知而推類也

然無極之外復無無極無盡之

中復無無盡

既所謂之無何得有外既謂之盡何得有無所謂無無極無無盡乃真極真盡矣

極復無無極無盡復無無盡

或者將謂無極之外更有無極無盡之中復有無盡

故重明無極復無無極無盡復無無盡也

朕以是知其無極無盡也而不知

其有極有盡也

知其無則無所不知不

湯又問曰四海

之外奚有革曰猶齊州也

爾雅云距齊以南戴日為丹穴北戴斗極為空桐距去也

齊中

湯曰汝奚以實之革曰朕東行至營

今之柳城古之營州東行

至海

人民猶是也

如是問也

問營之東復猶營也西行至幽

人民猶是也問幽之西復猶幽也朕以是知四海四荒

四極

爾雅云九夷八狄七戎六蠻謂之四海祿竹北戶西王母日下謂之四荒東泰遠西邠國南濮鈗北

祝栗謂之不異是也

四海四荒四極義見爾雅知其不異是間則是是矣故大小

相含無窮極也含萬物者亦如含天地

夫含萬物者天地容天地者太

虛含萬物也故不窮

乾坤含化陰陽受氣庶物流形代謝相因不止於一生不盡於一形

故不也含天地也故無極

天地籠罩三光包羅四海大則大矣然形器之物會有限極窮

其限極非虛如何計天地在太虛之中則如有如無耳故凡在有方之域皆巨細相形多少相懸推之至無之

極豈窮於一天極於一地則天地之與萬物互相包裹迭為國邑豈能知其盈虛測其頭數者哉

朕亦

焉知天地之表不有大天地者乎

夫太虛也無窮天地也有限以無窮而容

有限則天地未必形之大者然則鄒子之所言蓋其掌握耳

亦吾所不知也

夫萬事可以理

推不可以器徵故信其心智所知及而不知所知之有極者膚識也誠其耳目所聞見而不知視聽之有限者俗士也至於達人融心智之所滯立悟智外之妙理豁視聽之所闕遠得物外之奇形若夫封情慮於有方之境循局步於六合之間者將謂寫載盡於三墳五典歸藏窮於四海九州焉知太虛之遼廓巨細之無垠天地為一宅萬物為遊塵皆拘短見於當年昧然而俱終故列子闢無內之至言以坦心智之所滯恢無外之宏唱以開視聽之所闕使希風者不覺矜伐之自釋束教者不知桎梏之自解故劉所儒墨指斥大方豈直好奇尚異而徒為夸大哉悲夫聃周既獲然則天地亦物也物譏於世論吾子亦獨以何免之乎

有不足故昔者女媧

媧音瓜古天子風姓

氏煉五色石以補其闕

陰陽失度三辰盈縮是使天地之闕不必形體虧殘也女媧神人故能煉五色之精以調和陰陽使畧度順序

不必以器質相補也

斷鼇之足

鼇巨龜也

以立四極其後共工氏與顓

頊爭為帝怒而觸不周之山

共工氏興霸於伏羲神農之間其後苗裔恃其彊與

顓頊爭為帝顓頊黃帝孫不周山在西北之極

折天柱絕地維故天傾西北日

月星辰就焉地不滿東南故百川水潦

音老

歸焉湯又問

物有巨細乎有修短乎有同異乎革曰渤海

今樂安郡

之東

不知幾億萬里有大壑

山海經云東海之外有大壑

焉實惟無底之

谷

事見大荒經詩含神霧云東注無底之谷

其下無底

稱其無底者蓋舉深之極耳上句云無無

極限有不可盡實使無底亦無所闕

名曰歸墟

或作歸塘莊子云尾闕

八紘九野之

水天漢之流莫不注之而無增無減焉

八紘八極也九野天之八方中

央也世傳天河與海通

其中有五山焉一曰岱輿二曰員嶠三曰

方壺

方丈一曰方丈

四曰瀛洲五曰蓬萊

史記曰方丈瀛洲蓬萊此三神山在渤海中蓋

常有至者諸仙人及不死之藥皆在焉未至望之如雲欲到即引而去終莫能至

其山高下周

旋三萬里其頂平處九千里山之中間相去七萬里以

爲鄰居焉其上臺觀皆金玉其上禽獸皆純縞珠玕之

樹皆叢生華實皆有滋味食之皆不老不死所居之人

皆仙聖之種一日一夕飛相往來者不可數

色主反焉注同

兩山間相去七萬里五山之間凡二十八萬里而五
日夜往來者不可得數風雲之揮霍不足逾其速而五

山之根無所連著

直畧反若此之山猶浮於海上以此推之則凡有形之域皆寄於太虛之

中故無常隨潮波上下往還不得暫峙焉仙聖毒病所根蒂

之訴之於帝帝怒流於西極失羣聖之居乃命禹彊與

同神仙傳曰北方之神名禹彊號曰玄冥子山海經曰
大荒之中有神人面鳥身名曰禹彊簡文云北海神也

○大荒經曰北極之神使巨鼇列仙傳云巨鼇戴蓬萊
名禹彊靈龜為之使也使巨鼇山而扞滄海之中玄中

記云即十五舉首而戴之離騷曰巨鼇戴迭為三番音
巨龜也

更代六萬歲一交焉五山始峙而龍伯之國有大人舉
也

足不盈數

色主反

步而暨五山之所一釣而連六鼇合負

而趣歸其國灼其骨以數

所據反
筭計也

焉以高下周圍三萬

所載而此六鼇復爲一鈎之所引龍伯之人能并而負之又鑽其骨以卜計此人之形當百餘萬里鯢鵬方之猶蚊蚋蚤虱耳則太虛之所受亦奚所不容哉於是岱輿負嶠二山流於北極

沈於大海仙聖之播遷者巨億計帝憑怒

憑大也

侵子禁反

滅龍伯之國使阮侵小龍伯之民使短至伏羲神農時

其國人猶數十丈

山海經云東海之外大荒之中有大
人之國河圖玉板云從崑崙以北九

萬里得龍伯之國人長四
十丈生萬八千歲始死

從中州以東四十萬里得焦

僬國

樵音譙僬短人國名也史記云僬僬氏三尺短之至也韋昭曰僬僬西南蠻之別名也按括地志在

大秦國

人長一尺五寸

事見詩含神霧

東北極有人名曰諍山

經曰東海之外有人名曰諍人

人長九尺

北見山海經詩含神霧云東北極有此人既言其大因

明其

耳荆之南有冥靈

木名也生江南以葉生爲春落葉爲秋

者以五百歲

爲春五百歲爲秋上古有大椿

木名也一名樛者

以八千歲爲

春八千歲爲秋朽壤之上有菌芝者

菌其隕反崔謨云其土之芝也朝生

暮死簡文云

生於朝死於晦春夏之月有蠓蚋者

謂蠓蚊

蚋也二者小飛蟲也

因雨而生見陽而死終髮北之北

莊子云有窮髮

溟海

十洲記云水黑色謂溟海

者天池也有魚焉其廣數千里其長

稱焉其名爲鯤

也鯨魚

有鳥焉其名爲鵬翼若垂天之雲

其體稱焉

莊子云鯨化爲鵬

世豈知有此物哉

其所常見習其所常聞雖語

之猶將不信焉

大禹行而見之伯益知而名

彌正反與銘同

之夷堅聞

而志之

記之也○空言謫怪以駭

夫奇見異聞衆之所疑禹益堅豈直

者之固陋除視聽者之盲聾耳夷堅未聞亦古博物者也

江浦之間生麼蟲

麼細也亡果反

字書云麼小也

其名曰焦螟羣飛而集於蚊睫弗相觸也栖宿

去來蚊弗覺也離朱子羽方晝拭皆

在詣反目際也

揚眉而望

之弗見其形

離朱黃帝時明目人能百觴除倚

俞古之

人師曠方夜

音

惕耳俛首而聽之弗聞其聲

觴俞未聞也師曠晉平公

時人夏革無緣得稱之此後著書記事者潤益其辭唯耳夫用心智賴耳目以視聽者未能見至微之物也

黃帝與容成子居崆峒之上

史記云黃帝至于河登同

齋三月心死形廢

所謂心同死

徐以神視

神者寂然玄照而已不假

於塊然見之若嵩山之阿

以有形涉於神明之徐以氣

聽氣者任其自然

不資外用也

然聞之若雷霆之聲

以有聲涉於空

寂之域雷霆之音

未足以喻其大也吳楚之國有大木焉其名爲櫟山海經曰

荆山多橘柚柚似橘而
大皮厚味酸櫟音柚
碧樹而冬生實丹而味酸食其

皮汁已憤厥之疾

氣疾也

齊州珍之渡淮而北而化爲枳

焉

周禮曰橘渡淮北而化爲枳

鸛鵒不踰濟貉

音鶴似旅善睡獸也

踰汶

武中反

則死矣

鄭元水經曰濟水下入黃河十餘里南渡河爲滎澤又

經濟陰等九郡而入海周禮云鸛鵒不踰濟貉踰汶則死此地氣使然也鄭玄云汶水在魯城北先儒相因以

爲魯之汶水皆大誤也案史記汶與嶠同武中反謂汶江也非音問之汶案山海經大江出汶山郭云東南逕

蜀郡東北逕巴東江夏至廣陵入海韓詩外傳云昔者江出於汶山其始也足以濫觴是也又楚詞云隱汶山

之清江固可明矣且列子與周禮通言水土性異則遷移有傷故舉四瀆以言之案今魯之汶水闊不踰數十

步源不過二百里揭厲皆渡斯須往還豈狝貉雙游生
死頓隔矣說文云貉狝類也皆生長丘陵旱地今江邊
人云狝不渡江是明踰越地氣然也此事義見周官雖然形氣
大水則傷本性遂致死也

異也性鈞已無相易已生皆全已分皆足已吾何以識

其巨細何以識其修短何以識其同異哉萬品萬形萬性萬情各安

所適任而不執則鈞於全足太形王屋二山形當作行
不願相易也豈智所能辨哉

內野王縣王屋在河東東垣縣方七百里高萬仞本在冀州之南河陽

之北北山愚公者俗謂之愚者未必非智也年且九十面山而居懲

山韓詩外傳北之塞出入之迂也聚室而謀曰吾與汝

畢力平險指通豫南達于漢陰可乎雖然相許雜猶其

妻獻疑

獻疑猶致難也

曰以君之力曾不能損魁父

淮南子作魁阜謂小

山如之邱如太行王屋何

魁父小山也在陳留界

且焉置土石雜

曰投諸渤海之尾隱土之北

淮南云東北得州曰隱土

遂率子孫荷

胡可反

擔者三夫即石墾壤箕畚

音本籠也

運於渤海之尾鄰

人京城氏之孀妻

孀寡也

有遺男始齔

初月反韓詩外傳云男女七歲或毀

齒謂之亂

跳

音調躍也或作跳誤也

往助之寒暑易節始一反焉河曲

智叟笑而止之

俗謂之智者未必非愚也

曰甚矣汝之不惠以殘年

餘力曾不能毀山之一毛其如土石何北山愚公長息

曰汝心之固固不可徹曾不若孀妻弱子雖我之死有

子存焉子又生孫孫又生子子又有子子又有孫子子

孫孫無窮匱也而山不加增何苦而不平河曲智叟亡

以應

屈其理而服其志也

操蛇之神聞之

大荒經云山海神皆執蛇

懼其不已

也

必其不已則山會平矣世咸知積小可以高大而不悟損多可以至少夫九層起於累土高岸遂為幽谷

苟功無廢舍不期朝夕則無微而不積無大而不虧矣今砥礪之與刀劍相磨不已則知其將盡二物如此則

叩聲消盈無所致疑若以大告之於帝帝感其誠感愚小遲速為惑者未能推類也公之

至心 命夸娥氏夸口二子夸娥氏傳記所未負二山一

厝音朔東一厝雍南自此冀之南漢之陰無隴斷焉期夫

功於旦夕者聞歲暮而致歎取美於當年者在身後而

長悲此故俗士之近心一世之常情也至於大人以天

地爲一朝億代爲曠息忘懷以造事無心而爲功在我

之與在彼在身之與在人弗覺其殊別莫知其先後故

北山之愚與娶妻之孤足以哂河曲之夸父大荒經云

智嗤一世之惑悠悠之徒可不察歟夸父有人珥兩

黃蛇踐兩黃不量力欲追日影逐之於隅谷之際隅谷

蛇名曰夸父虞淵也日渴欲得飲赴飲河渭河渭不足將走北飲大澤未

所入至道渴而死棄其杖尸膏肉所浸生鄧林鄧林彌廣數

欽定四庫全書

千里焉

山海經云夸父死棄其杖而爲鄧林

大禹曰六合之間四海之內

照之以日月經之以星辰紀之以四時要之以太歲神

靈所生其物其形或夭或壽唯聖人能通其道

聖人順天地之

道因萬物之性任其所適通其逆順使羣異各得其方壽夭咸盡其分也

夏革曰然則亦有

不待神靈而生不待陰陽而形不待日月而明

夫生者自生形

者自形明者自明忽然自爾固無所因假也

不待殺戮而夭不待將迎而壽

自夭者不由禍害自壽者不由接養

不待五穀而食不待繒纊而衣不待

舟車而行其道自然

自然者都無所假也

非聖人之所通也

聖人不違

自然而萬物自運豈樂通物哉自
此章已上皆夏革所告殷湯也 禹之治水土也迷而

失塗謬之一國

游絕垠之外者非用心之所逮故寄言迷謬也

濱北海之北不

知距齊州幾千萬里

距去也

其國名曰終北不知際畔之

所齊

子細反

限無風雨霜露不生鳥獸蟲魚草木之類四

方悉平周以喬陟

爾雅云喬高曲也又云三山襲陟郭璞云重隴也○山之重壘也

當

國之中有山山名壺領狀若甌

擔甌直爲反甌甌謂瓦餅也

頂有

口狀若負環名曰滋穴有水湧出名曰神瀆

甫問反郭璞云今河

東汾陰有水中如車輪許大湔沸湧出其深無底名曰瀆○山頂之泉曰瀆

臭過蘭椒味過

醪醴一源分爲四埒注於山下

山上水流曰埒

經營一國亡亡音

無下同

不悉徧土氣和亡札厲

札厲疫死也

人性婉而從物不

競不爭柔心而弱骨不驕不忌長幼儕

士皆反

居不君不

臣男女雜游不媒不聘緣水而居不耕不稼土氣溫適

不織不衣百年而死不夭不病其民孳

息也阜盛也

亡數有

喜樂亡衰老哀苦其俗好聲相攜而迭謠終日不輟音

飢倦則飲神瀁力志和平過則醉經旬乃醒沐浴神瀁

膚色脂澤香氣經旬乃歇周穆王北遊過其國三年忘

歸既反周室慕其國愾

昌兩反

然自失不進酒肉不召嬪

御者數月乃復管仲勉齊桓公因游遼口俱之其國幾

剋舉隰朋諫曰君舍齊國之廣人民之衆山川之觀殖

物之阜禮義之盛章服之美妖靡盈庭忠良滿朝肆咤

則徒卒百萬

肆疑作叱

視撫則諸侯從命

視疑作指

亦奚羨於彼

而棄齊國之社稷從戎夷之國乎此仲父之耄柰何從

之桓公乃止以隰朋之言告管仲仲曰此固非朋之所

及也

朋之知極於齊國豈知彼國之巨偉故管仲駭之也

臣恐彼國之不可知之

也齊國之富奚戀隰朋之言奚顧

此國自不可得往耳豈以朋之言故止也

南國之人祝

祝之六反孔安國注尚書云祝者斷截其髮也漢書云越人斷髮文身以避蛟龍之

害一本作被恐誤

髮而裸

謂不以衣蔽之也力果反

北國之人鞞

鞞音末方言俗人怕

頭是也怕頭燥頭也怕又作鞞又作帓怕七八反燥七消反

巾而裘中國之人冠冕

而裳九土所資或農或商或田或漁如冬裘夏葛水舟

陸車默而得之性而成之

夫方土所資自然而能故吳越之用舟燕朔之乘馬得之

於水陸之宜不假學於賢智慎到曰治水者茨防決塞雖在夷貊相似如一學之於水不學之於禹也

越

之東有輶木

又康之國其長子生則鮮

杜預注左傳云人不以壽死曰鮮謂

少也而食之謂之宜弟其大父死負其大母而棄之曰鬼

妻不可以同居處楚之南有炎

去聲本
作談

人之國其親戚

死殯

音朽

其肉而棄然後埋其骨廼成爲孝子秦之西有

儀渠

又康

之國者其親戚死聚柴積而焚之燠則煙上謂

之登遐然後成爲孝子此上以爲政下以爲俗而未足

爲異也

此事亦
見墨子

孔子東游見兩小兒辯鬪

都豆
反

問其故

一兒曰我以日始出時去人近而日中時遠也一兒以

日初出遠而日中時近也一兒曰日初出大如車蓋及

日中則如盤盂此不為遠者小而近者大乎一兒曰日

初出滄滄

初涼涼又本作滄周書曰天地之間有滄熱善用道者終無竭孔晁注云滄寒也桓譚新

論亦述此事作

涼涼

字林云涼微寒

及其日中如探湯此不為

近者熱而遠者涼乎孔子不能決也兩小兒笑曰孰為

汝多知乎

所謂六合之外聖人存而不論二童子致笑未必不達此旨或立相起子也

均天

下之至理也

物物事皆平皆均則理無不至也

連於形物亦然

連屬也屬於器

物者亦均髮均縣輕重而髮絕髮不均也

髮甚微脆而髮甚微脆而至不絕者至

均故也今所以絕者猶輕重相傾有不均處也

均也其絕也

若其均也寧有絕理

莫絕言不

絕人以爲不然凡人不自有知其然者也自有知其然者也理爲然者墨

此說子亦有唐何唐何楚人以以獨繭絲爲綸芒鉞音亡爲

鈎荆蔭本作爲竿剖粒爲餌引盈車之魚家語曰鯢魚其大盈車

於百仞之淵汨流之中綸不絕鈎不伸竿不撓夫飾芳餌挂微

鈎下沈青泥上乘驚波因水勢而施舍頡頏委縱與之沈浮及其弛絕故生而獲也楚王聞而異

之召問其故唐何曰臣聞先大夫之言蒲且子余子之

弋也蒲且子古弱弓纖繳音乘風振之連雙鷁於青雲

之際用心專動手均也臣因其事放分兩而學釣五年

始盡其道當臣之臨河持竿心無雜慮唯魚之念投綸
沈鈎手無輕重物莫能亂魚見臣之鈎餌猶沈埃聚沫
吞之不疑所以能以弱制彊以輕致重也大王治國誠
能若此則天下可運於一握將亦奚事哉楚王曰善

其善

此諭者以諷其用治國矣

魯公扈趙齊嬰二人有疾同請扁鵲

史記曰扁

鵲渤海郡人姓秦氏善醫能視病盡見五藏之疾

求治扁鵲治之既同愈謂公

扈齊嬰曰汝曩之所疾自外而干府藏者固藥石之所
已今有偕生之疾與體偕長今爲汝攻之何如二人曰

願先聞其驗扁鵲謂公扈曰汝志彊而氣弱故足於謀

而寡於斷

志謂心智氣謂質性智多故多慮性弱故少決也

齊嬰志弱而氣彊

故少於慮而傷於專

智少而任性則果而自用

若換汝之心則均於

善矣扁鵲遂飲二人毒酒迷死三日剖胃探心易而置

之投以神藥既悟如初二人辭歸於是公扈反齊嬰之

室而有其妻子妻子弗識齊嬰亦反公扈之室有其妻

子妻子亦弗識

二子易心乘其本識故各反其家各非故形故妻子不識也

二室因

相與訟求辨於扁鵲扁鵲辨其所由訟乃已

此言恆誕乃書記少

有然魏世華佗能刳腸易胃溺洗五藏天下理自有
不可思議者信亦不可以臆斷故宜存而不論也 瓠

巴鼓琴而鳥舞魚躍 瓠巴古善鼓琴人也 鄭師文聞之師文鄭國樂師 棄

家從師襄游師襄亦古之善琴人也從其游學 柱指鉤弦三年不成章

按指調弦三年不能成曲師襄曰子可以歸矣 嫌其難教師文舍其琴嘆

曰文非弦之不能鉤非章之不能成文所存者不在弦

所志者不在聲遺弦聲然後能盡聲弦之用也 內不得於心外不應於

器故不敢發手而動弦心手器三者玄應不相違失而後和音發矣 且小假

之以觀其後無幾何復見師襄師襄曰子之琴何如師

文曰得之矣請嘗試之於是當春而叩商弦以召南呂

商金音屬秋南呂八月律

涼風忽至草木成實

得秋氣故成熟

及秋而叩角

弦以激夾鍾

角木音屬春夾鍾二月律

溫風徐迴草木發榮

得春氣故榮華

當夏而叩羽弦以召黃鍾

羽水音屬冬黃鍾十一月律

霜雪交下川

池暴沍

得冬氣故凝陰水凍

及冬而叩徵弦以激蕤賓

徵火音屬夏蕤賓五

律月陽光熾烈堅冰立散

得夏氣故消釋此一時彈琴無緣頓變四時蓋舉一時之驗則

三時可知且欲并言其所感之妙耳

將終命官而摠四弦則景風翔慶雲

浮甘露降豐泉涌

至和之所致也

師襄乃撫心高蹈曰微矣子

之彈也雖師曠之清角

師曠爲晉平公奏清角一奏之有白雲從西北起再奏之大風

至而雨隨之三奏之裂帷幕破俎豆飛廊瓦左右皆奔走平公恐伏晉國大旱赤地三年平公得聲者或吉或

凶鄒衍之吹律齊人爲燕昭王師居稷下號談天衍著也鄒衍之吹律書四十九篇又有終始五十六篇北方

有地美而寒不生五穀鄒子吹律煖之而未黍滋也亡亡音無以加之彼將挾琴執

管而從子之後耳薛譚學謳於秦青

二人並秦國之善歌者

未窮

青之技

渠綺反

自謂盡之遂辭歸秦青弗止餞於郊衢撫

節悲歌聲振林木響遏行雲薛譚乃謝求反終身不敢

言歸秦青顧謂其友曰昔韓娥

韓國善歌者也

東之齊置糧過

音雍音邕地名杜預曰齊城門門鬻歌假食既去而餘音繞梁欂三

日不絕左右以其人弗去過逆旅逆旅人辱之韓娥因

曼聲哀哭

曼聲猶長引也

一里

一本作十里

老幼悲愁垂涕相對三

日不食遽而追之娥還復爲曼聲長歌一里老幼喜躍

抃舞弗能自禁

音金

忘向之悲也乃厚賂發之

發猶遣也

故雍

門之人至今善歌哭放娥之遺聲

六國時有雍門子名周善琴又善哭以哭

干孟嘗君

伯牙善鼓琴鍾子期善聽伯牙鼓琴志在登高山

鍾子期曰善哉我我兮若泰山志在流水鍾子期曰善

哉洋洋兮若江河伯牙所念鍾子期必得之伯牙游於泰山之陰卒逢暴雨止於巖下心悲乃援琴而鼓之初爲霖雨之操更造崩山之音曲每奏鍾子期輒窮其趣伯牙乃舍琴而嘆曰善哉善哉子之聽夫志想象猶吾

心也

言心闇合與己無異

吾於何逃聲哉

發音鍾子期已得其心則無處藏其聲也

周

穆王西巡狩越崑崙不至弇

音

山日入之所

反還未及中國

道有獻工人名偃師

中道有國獻此工巧之人也

穆王薦之

薦當作進問

曰若有何能偃師曰臣唯命所試然臣已有所造願王

先觀之穆王曰日以俱來

日謂別日

吾與若俱觀之翌日偃

師謁見王王薦之曰若與偕來者何人邪對曰臣之所

造能倡者

倡俳優也

穆王驚視之趣

音趨

步俯仰信人也巧夫

領

駟音反曲頤也又五感反領猶搖頭也

其頤則歌合律捧其手則舞應

節十變萬化惟意所適王以爲實人也與盛姬內御並

觀之

穆天子傳云盛姬穆王之美人

技將終倡者瞬

音舜

其目而招王之

左右侍妾王大怒立欲誅偃師偃師大懾立剖散倡者

以示王皆傅會革木膠漆白黑丹青之所爲王諦料之

內則肝膽心肺脾腎腸胃外則筋骨支節皮毛齒髮皆

假物也而無不畢具者合會復如初見如向者之始見王也王試

廢其心則口不能言廢其肝則目不能視廢其腎則足

不能步

此皆以機關相使去其機關之主則不能相制御亦如人五藏有病皆外應七孔與四支也

穆王始悅而嘆曰人之巧乃可與造化者同功乎詔貳

車載之以歸

近世人有言人靈因機關而生何者造化之功至妙故萬品咸育運動無方人藝麤

拙但罵載成形塊然而已至於巧極則幾乎造化似或依此言而生此說而此書既自不爾所以明此義者直以巧極思之無方不可以常理限故每舉物夫班輸之極以祛近惑豈謂物無神主也斯失之遠矣

雲梯墨翟之飛鳶自謂能之極也

班輸作雲梯可以凌虛仰攻墨子作木鳶

飛三日不集

弟子東門賈禽滑釐

滑釐音骨狸墨翟弟子也

聞偃師之巧

以告二子二子終身不敢語藝而時執規矩

時執規矩言其不敢

數之甘蠅古之善射者彀弓而獸伏鳥下

箭無虛發而獸鳥不敢逸

戰國策云更羸虛發而鳥下也

弟子名飛衛學射於甘蠅而巧過其師

紀昌者又學射於飛衛飛衛曰爾先學不瞬而後可言

射矣紀昌歸偃臥其妻之機下以目承牽挺

牽挺機躡

二年

之後雖錐末倒

都道反

皆而不瞬也以告飛衛飛衛曰未

也亞

鳥嫁反次也
本作必學

學視而後可視小如大視微如著而

後告我昌以鼈

音毛

懸虱於牖南面而望之旬日之間浸

大也三年之後如車輪焉以覩餘物皆邱山也

視虱如輪則餘

物稱此而大焉

乃以燕角之弧朔蓬之簳射

食亦反

之貫虱之心

而懸不絕

以彊弓勁矢貫虱之心言其用手之妙也

以告飛衛飛衛高蹈拊

膺曰汝得之矣紀昌既盡衛之術計天下之敵已者一

人而已乃謀殺飛衛相遇於野二人交射中路矢鋒相

觸而墜於地而塵不揚飛衛之矢先窮

窮盡也

紀昌遺一

矢既發飛衛以棘刺之端扞之而無差焉於是二子泣

而投弓相拜於塗請爲父子剋臂

淮南子曰中國嬰血越人契臂其一也許

慎云剋臂出血也嬰所甲反

以誓不得告術於人

祕其道也此一章義例已詳於仲尼

篇也造父之師曰泰豆氏

泰豆氏見諸雜書記

造父之始從習御也

執禮甚卑泰豆三年不告造父執禮愈謹乃告之曰古

詩言良弓之子必先爲箕良冶之子必先爲裘

箕裘皆須柔屈

補接而後成器爲弓冶者調筋角和金鐵亦然故學者必先攻其所易然後能成其所難所以爲論也

汝

先觀吾趣

趣行也

趣如吾然後六轡可持六馬可御造父

曰唯命所從泰豆乃立木爲塗僅可容足

絕得安脚

計步而

置

疏概如其步數

履之而行趣走往還無跌失也造父學之三

日盡其巧泰豆嘆曰子何其敏也得之捷乎

敏疾也捷速也

凡

所御者亦如此也曩汝之行得之於足應之於心推於

御也齊輯乎

輯音集說文云輯車輿也

轡銜之際

此言造父善御得車輿之齊整在於

轡御之際喻人君得民心則國安矣

而急緩乎脣吻之和正度乎宵臆之

中而執節乎掌握之間內得於中心而外合於馬志是

故能進退履繩而旋曲中規矩取道致遠而氣力有餘

誠得其術也得之於銜應之於轡得之於轡應之於手
得之於手應之於心則不以目視不以策驅心閑體正
六轡不亂而二十四蹄所投無差迴旋進退莫不中節
與和鷹之聲相應也然後與輪之外可使無餘轍馬蹄之外可使

無餘地未嘗覺山谷之嶮原隰之夷視之一也吾術窮

矣汝其識之

夫行之所踐容足而已足外無餘而人不
敢踐者此心不夷體不閑故也心夷體閑

即進止有常數遲疾有常度苟盡其妙非但施之於身
乃可行之於物雖六轡之煩馬足之衆調之有道不患
其亂故輪外不恃無用之轍蹄
外不賴無用之地可不謂然也魏黑卯以暱嫌殺卯而

章

暱嫌私恨

邱邴章之子來丹謀報父之讎丹氣甚猛形甚

露計粒而食順風而趨雖怒不能稱兵以報之

有膽氣而體羸

虛不能舉兵器也

耻假力於人誓手劍以屠黑卯黑卯悍志絕

衆力抗百夫筋骨皮肉非人類也延頸承刃披胸受矢

鉞鏑

上音芒下音謬

摧屈而體無痕捷負其材力視來丹猶雖

轂也

轂音冠生而須哺曰轂自食曰雛

來丹之友申他

音陀或音拖一本作抱

曰

子怨黑卯至矣黑卯之易子過矣將奚謀焉來丹垂涕

曰願子爲我謀申他曰吾聞衛孔周其祖得殷帝之寶

劍一童子服之却三軍之衆奚不請焉來丹遂適衛見
孔周執僕御之禮請先納妻子後言所欲孔周曰吾有
三劍唯子所擇皆不能殺人且先言其狀一曰含光視
之不可見運之不知其有所觸也泯然無際經物而物
不覺二曰承影將旦昧爽之交日夕昏明之際北面而
察之淡淡焉淡音艷若有物存莫識其狀其所觸也竊竊
然有聲經物而物不疾也三曰宵練方晝則見影而不
見光與日月同色也方夜見光而不見形言其照也其觸物也騖然

而過

驕呼麥反破聲又竹壁反

隨過隨合覺疾而不血刃焉此三寶

者傳之十三世矣而無施於事

不能害物

匣而藏之未嘗啓

封來丹曰雖然吾必請其下者孔周乃歸其妻子與

音預

齋七日晏陰之間

晏晚暮也

跪而授其下劒來丹再拜受之

以歸

以其可執可見故受其下者

來丹遂執劒從黑卯時黑卯之醉

偃於牖下自頸至腰三斬之黑卯不覺來丹以黑卯之

死趣而退遇黑卯之子於門擊之三下如投虛黑卯之

子方笑曰汝何蚩而三招

一本作拈奴兼反指取物也又音點

予來丹知

劒之不能殺人也嘆而歸黑卯既醒怒其妻曰醉而露

我使我噬

音益喉上也

疾而腰急其子曰疇昔來丹之來遇

我於門三招我亦使我體疾而支疆彼其厭

於染反本又作厭烏

狎我哉周穆王大征西戎西戎獻鍬鍬之劒

昆吾龍劒也河圖曰

瀛州多積石名昆吾可爲劒尸子云昆吾之劒可切玉

火浣

音緩

之布

異物志云新調國有火州

有火及鼠取其皮毛爲布名曰火浣

其劒長尺有咫

音止八寸曰咫

練鋼赤刃用


之切玉如切泥焉火浣之布浣之必投於火布則火色

垢則布色出火而振之皓然疑乎雪

此周書所云

皇子以爲

無此物傳之者妄蕭叔曰皇子果於自信果於誣理哉
此一章斷後而說切玉刀火浣布者明上
之所載皆事實之言因此二物無虛妄者



列子卷五